



BIBLIOTEKA

Zakł. Nar. Im. Ossolińskich


XVI.

5534









ICONES SYMBOLICÆ  
VITÆ ET MORTIS  
B. IO S A P H A T  
MARTYRIS  
ARCHIEPISCOPI POLOCENSIS,  
EXPRESSÆ  
&  
Perillustri Domino,  
D: GEORGI STANISLAO  
S A P I E H A  
PALATINIDÆ POLOCENSI  
CAPITANEO BORISOVIENSI  
OBLATÆ  
ab  
ANDREA MŁODZIANOWSKI  
Societatis IESV.

---

VILN; Typ: Acad: Soc: 1887. Anno Dai 1675,

ICONE SYMBOLICA  
VITA ET MORTIS  
B. I O S A P H A T  
MARTYRIS  
ARCHIEPISCOPI POLOCENSIS

EXARCHE

&



Domini  
D. GEORGIO STANISLAO  
SAPIEN

PALATINA POLOCENSIS  
CAPITULO BORISOVENSIS

È stato donato a me Michele Góvorny, Canonico R.  
gotico, Casimiro del Duca Canonico e della fac. Teolog.  
S. e Professore nel Convento del Corpus Dom. in Casimiro  
app. Cracovia

Societas I. E. S. V.


XVII-5534-II

WILH. THEACD: BOCH. 1837. Anno Domini 1837.





Ingentem cellis Fœmam qui fermaet aëthra,  
 Pomulea teneat Sceptera Superba Plazæ.  
 Ausonidum longè minor est iam gloria: Fama  
 Quando Sapientiana sunt brevis astra scopus.  
 Nam Cruce clauis Poli Calosreferant uolucris  
 Plus ultra nomen grande sagitta feret.





AD PERILLVSTREM DOMINVM D.  
GEORGIUM<sup>M</sup> STANISLAUM<sup>M</sup>  
S A P I E H A

PALATINIDEM POLOCENSEM,  
CAPITANEVM BORISOVIENSEM,  
DEDICATIO PANEGYRICA.

**S**ymbolicas immortalium decorum Beatissimi Iosaphat Pontificis  
Sicones, in sinu Amplissima Domus Tuæ depono: Perillustres  
Domine. Quis enim melior in orbe nostro locus, his grandium ope-  
rum simulachris, aut desiderari, aut reperiri potest; quàm Domes-  
ticum tuum celum, quod celestium ignium imitator, magnorum  
Gentis Tuæ Procerum adornat splendor; & rectè factorum gloria,  
ad æmulam ipsiis astris provehit serenitatem? Principem hinc siderum  
solem ne quispiam requirat; Illustrissimus Antiquissima Prosapia  
Conditor, solare Non plus ultra, signiferum emensus Zodiacum,  
cursum per innumeras penè astrorum absolvit domos: quia tot suc-  
cedaneos numerat Heroas, mirâ quâdam claritudine in ævum  
gloriosissimum radiantes. Quid quod, coævi clarissimo Generi mu-  
ricis fulgor, cum nascente & moriente Calorum certat purpurato.  
Hinc Togati Poloni senatûs Patres, sapientissimi rerum è publico  
civium bono gerendarum arbitri, ut assistrices præstò sunt Intellis-  
gentiæ; hinc repentibus humi periculorum fati superior, celi planè  
militia, contra Poloni Lithuaniq; nominis Sisaras, instructas explicat  
(1) acies.

*Descrizione del Cardinale  
di Polonia, Medici, Invenit, Saluti, Titulum,  
D. 11.*

*acies. Caeli imaginem Ægyptum asseruit quondam Trismegistus, vel eo potissimum nomine, quod nunquam teterrima tempestatum nubila, pulchram placidissimi aëris exasperarint tranquillitatem. At is si nulla imbrem in Ægyptum effuderit procella, nullis æther inhoruerit nebulis: quoties tamen nimio candentes à sole, vel leui concitata vento, nubem luci effuderunt arenæ? quoties ipse ubertatis parens Nilus euntibus sursum, telluris quam inundat, suisque sudoribus, diem maculauit? Honorificæ appellationis vocabulum Ægyptus Sapientia deferat stirpi. Quid enim in huius Poli ambitu non sudum? quid non serenum? ubi vel à Magnis Magnorum Heroum, post sera fata, lux venit umbris; ubi prosperum rerum secundarum cursum intercalari aduersorum non interpellante nube, fulgurantis & tonantis Fortune meteora, tanquam ex alto despicuntur Olympo; ubi septenario planetarum elegantius fulget numero, quidquid sanctum in virtutibus, augustum in fama, faustum in felicitate, magnum in nomine, in amplissimis quondam orbis suspexit familijs. Quod si contendat non nemo, nec cælo eundem semper esse vultum, micat fulgetris, fremit tonitruis: imò diurna non rarò serenitas, speciosa deformis partus tempestatis, parens exitit: Non oculo Sapientia Poli fulgura, non oculo fulmina; bellum non nunquam veluti procella quædam in hostes detonat, in splendore fulgurantis non Hasta, sed Gentilitiæ Sagittæ, Antagonistas dierum dissipat noctes. Gemmæ interdum grandinis pretiosam in sacras DEI, Diuorumque ades, demittit tempestatem; fulvum pallidumque in egentium sinus saepe pluit metallum. Si quod, & quando, hoc profectò semper*

*Grandinat gemmis, rignuq; celum*

*Depiuit auro.*

*Ita nimirum. toto in unam domum migrante Polo, domestici Illustrissimi Generis Terrigenæ, ad Cœlicolarum prove-*



buntur felicitatē. An igitur non meritò novū Perillustis Domine si-  
 deribus astrum infero; cum Illustrissimum totius olim Russiæ sidus,  
 proprijs, non emendicatis coruscum splendoribus, Sapiehana consecro  
 dicoq; nomini; Insuper & si sciam, plerosq; Diuorum, quos avita  
 paternaq; Sapiebarum in numerato habet pietas, tot votis invitatos,  
 tot bene meritis obstrictos, in Amplissimæ Domūs transisse munici-  
 pices; hic tamen Beatissimus Martyr, nullius (dicam potiùs) non  
 suus magis, quàm vester est, magno geminatæ titulo vobis ob-  
 strictus beneficentiæ. Age iam calame, ad originalem volatilis  
 pennæ redi licentiam, atq; per tot retro annorum spatia, scriptionis  
 defer manum, & eruta ex infidelis memoriæ sepulchro, Sapiehanæ  
 pietatis in Divum profer exempla. Vrbs Russiæ quondam nobilis  
 Vitebscum, digna quæ caput Provinciæ & titulum Senatoribus  
 faceret, à Vaticano Romanæ Ecclesiæ Principe divisa, fidem ad  
 priuatos detorsit sensus, atq; (ut multa vitæ appellationibus vir-  
 tutum ad fraudem inuoluntur) pertinaciæ erroris, constantiam  
 in credendo prætexuit. Polocensis ea tempestate Archiepiscopus  
 IOSAPHAT ad quem Vitebscensium cura spectabat, suo muneri ne  
 deesset, quid intentatum reliquit, quo contumaces rebellium animos  
 humanissimis fleteret sermonibus, & ad sacrosancta, cum Romanis  
 excitaret fœdera? At efferatæ multitudinis rabies, malè errorem  
 fidei reprobari postquam sensit, erroris sedem caput peti arbitrata  
 insano furori crudelitatem suam permisit: nec priùs destitit, quàm  
 infantis Iosaphat, vitam & sanguinem, concepto in Orthodoxi or-  
 bis Primatem litaret odio. Vindex immanissimi scelerts, à Sigis-  
 mundo Poloniæ Rege, Illustrissimus Dominus Leo Sapieba, Pala-  
 tinus Vिल्nensis, supremus Exercituum M. D. Lithuanie Dux  
 destinatus, unusq; è pluribus peridoneus visus est, qui pro orbis Capite



Roma, contra Acepbalum ageret schisma. Et egit sanè, ut decebat virum, qui nullas necessitudines ad suæ fidei exitum forebat; ad nullius potentiam in Dei caliq; causa, leges æquitatemq; submittebat. Felix citra commentum Argus, pluribus oculis in reorum exitum vigilavit, centimanus Gygas parricidas ubique locorum palpat. Sex supra decem sceleris Antesignani, idem mortis suæ habuere theatrum, quod mergendo D. Præsuli delegerant. Nixè tanti factuoris portentum, suo natantes in tabo Parricidalium scariorum artus, aut terra teneret, aut àër sentiret: in glaciem execrabilis flagitiorum eluvies effusa, praterlabentiq; Dux negotium datum, ut deformia perfidarum mentium hospitia, ultra omnes amota terras, ad insidi elementi regnum mare deportaret? & grande piaculum, grandiore tumulo, vel toto obrueret Oceano. Quamvis verò non in omnes ultor desamit gladius: neminem tamen privilegium praterijt calamitatis: quando tota iure Ciuitatis priuata Ciuitas, ærumnosissimisq; colonorum legibus vivere iussa irrogati sensum splicij, ad infelices transmisit posteros: qui prius calamitosæ seruitutis originem, ex nutricum nanijs, quàm nomina discerent Parentum: Ita nocentibus oppressis, Sapiebanæ virtutis adminiculo, triumphum egit Innocentia; atq; arcana in D. Martyrem augusti pectoris pietas, non vocalis tantum famæ ministerio, sed & eruditorum vulgata calamo, Polonos ultra Lithuanosq; processit fines. Illustrissimi Parentis singularem in D. Martyrem animi propensionem, cum sanguine planè ad se transfusam, orbi iterum scèctandam exhibuit, Illustrissimus Dominus Leo Casimirus Sapieba; qui publicas publicâ fide, Procancellarius M. D. Lithuania acceperat ceras, ut iis non nisi virtutes imprimeret; dignus profectò, cuius vulgando per orbem nominq; Lithuanus accurrat Eques, nec non felici portento in Bellerophontem commutatus, grandibus

grandibus meritis ad eternitatem devehendis, non pedes tantum,  
sed & alas accommolet. Violati per teterrimam eadem Ponti-  
ficij honoris damna, singulari venerationis officio ut resarcinet;  
sacris D. Martyris Lipsanis, seculum obtulit grandiore inter mu-  
tua artis pretijq; duella, victoria stante penes pretium, varum  
aequè ac carum. Initium operi, humano sublimius, imo caeleste de-  
dit consilium. Gedani quippe, Illustrissimo Proca. cellario, per qui-  
eterni, reductâ cortinâ ipse Iosaphat conspectus, ex suo beneplacito  
fore rem, quam animo conceperat probavit; metallum, & archi-  
tectum operis designavit. Purum solidumq; molem totam constituit  
argentum, trium supra sexaginta millium imperialium impendio  
fusu; ubi ipsum sepulchrum, iure incunabula, vitâq; eternum victura  
Sapiebanæ in Divum præbere credas beneficentia: fortiter deinde  
toleratæ à Iosaphat necis scenam, cum perelegans aperit calatura;  
preciosam in conspectu non Domini modò, sed & hominum Mortē  
Sanctorū elus. exhibet Vt iâ vel inter ipsos interfectores in metallū  
conuersos, securus sūt Iosaphat; & summæ moderationis gentus,  
Magni Procācellarij, in novo vindictæ perlegatur genere: dum  
reos innoxij sanguinis sicarios, grandi Heroicæ munificentia pro-  
digio, non in lignum, aut saxum, sed mutavit in argentum. Succol-  
lantibus demum Angelorum humeris sacrum incumbit onus; ma-  
gni coram Domino ponderis anatlema, ipsis librari dixerò ab An-  
gelis; nec ullam unquam oblivionem ullis temporum injurijs oggeri  
posse muneri, quod quotidie Angelicis est præ manibus. O præclarâ  
bene de immortalibus illis Divorum spiritibus merendi rationē:  
pretiosæ captivitati mancipare corpora, ut devincas animos: ita  
perennem nostri apud superos figere recordationem: ut prius sui  
debeant oblivisci, quàm eorum non meminisse, à quibus tenentur  
non invit. Seculi ultimum, & impotens periturorum cupido,  
affinitate

affinitate vocis cognata vocabula, caritatem, confundit cum charitate: ne quid amplius ulli æstimetur tanquam charum, quod non sit carum: mignes cordium aurum, hæc amoris domicilia in odiorum vertit officinas: quoties omni amore conuerso in res, odia exercentur in homines. Altius ipſis rerum ſublunarium faſtigijs, & euilceratæ telluris ſpolijs, Magni Leonis conſtitit animus; quando, hoc cui pretium humana fecit cupiditas, metallum, infra ſacros D. Martyris humiliauit cineres, ſanctum intemeratæ mentis Iſaphat diuerſorium argento prætulit. Sera iam ſepulchralem hanc urnam ſulpice poſteritas; ſi ſuperos & celeſtia cogitas, viuentis domicilium, ſi caduca & terrena conſideras, mortui Sapiehani dic Amoris ſepulcrum: Læconicam inſuper Magdalenei tamuli eptigraphen, ſuo ſculpe in triſyllabo. DILEXIT. Vmbris nonnulli deuotent theſauros quaſi Plutonis ſine præſidio nec, ipſe extra metum ſit Plutus. Quod carum habuit in lucē protulit Leo, tenebrarum ciſtarumq; erga ſtulo clementiſſimus abſoluit argentum, & (quod mirare ipſam D. Martyris Mortem artifice viuentem in metallo, miro quodam ſuæ beneficentiæ animauit oſtento. Sed quid vetera commemoro? ſi tamen ea vetera ſunt, quæ non tam ex Annalium monumentis eruuntur, quàm ex publico, poſtumeæ fame præconio diſcuntur: eximio, cum virtute certamine de pietate in Iſaphat, cum Illuſtriſſimis Maioribus certant poſteri. Illuſtriſſimum Caſimirum Ioannem Sapieba, Palatinum Polocenſem, Patrem Tuum, Perilluſtris D. cogita. Nec enim fortuitò, aut è temeraria cæcæ illig D.æ manu, faſces Ampliſſimi Palatinatûs Polocenſis, ad Illuſtriſſimum Tuum deueniẽre Parentem; ſed propitio veluti cælo, ſuum præbente calculum, pro gubernaculis caſtri illius, quod Sacra Beatiſſimi Iſaphat tenet Lipſana, ad Illuſtriſſimum D.D. Caſimirû Sapieba deferendis: ut tam præclarè vindicatus, tam caro æſtimatus



non sub alio, quàm sub Sapiehani nominis ac dextræ, Martyr esset  
præsidio. Et quidni ipsis in terra Calitibus tuendis sufficiat Heros,  
qui haustum illustri vena sanguinem, suum nactus Euristeum, cæ-  
ptum in virtutis stadio iter, Gygauteis ad metam promouet passibus:  
& cum cæteros Amplissimæ Familix Proceres, tum Illustrissimum  
Palatinum Vilnensem Exercituum M. D. Lithuanix Ducem, Patrẽ  
suum, Azum vero Tuum, gladio & manu potentem Paulum Sa-  
pieha, cuius fidem in Patriam & Principem, nulla tuquam, aut  
fraus libauit, aut tempestas labefactauit, viris recte factorum ex-  
hibet depictum coloribus. Ibit in fastos Annus septuagesimus secun-  
dus supra millesimum sexcentissimum, quo nefarius ille, regnorum  
prouinciarumq; helluo, Machometes Turcarum, totis se latè cis Tyrã  
infudit campis, nec sat hiantes in exitum publicum fauces solo ex-  
plente Cameneco: ipsam ferali obsidione terruit Leopolim: colonias  
vastitate, municipia cæde, populos squallore ac mærore compleuit,  
Polonis interea non arma, viros, animos, aut multitudinem, sed so-  
lam requirentibus unitatem. Lithuani tunc ab iniis cum Moscho  
fæderibus, missionem dederant militi: nullæ in expedito erant copix  
quæ commune vtriq; Genti incendium, barbarorum sanguine ex-  
tinguerent; flammam à tectis, populationem ab agris, vastitatem ab  
urbibus, necem à ciuib; arcerent. Hic comprimis cæteros inter  
Lithuanæ Gentis Dynastas virtus Illustrissimi Domini Parentis  
Tui enituit, quando nullis, nisi proprij æuarij stipendijs auctoratũ  
militem, pro aris & focis, pro Regiæ Maiestatis integritate, sub vis-  
ctore Gentilitiæ Sagittæ signo, ab ipsis Constantini temporibus, ad  
triumphos initiata cruce militaturum, scripsit. Priscæ deinde fidei,  
magnaq; animatum mente pectus, in omnem quem fata ferrent evẽ-  
tum, ad latus Serenissimi Regis Michæelis admouit. Tales Ma-  
gnis Maioribus non minores nascuntur posteri, dum non inane magni  
nominis

nominis circumferunt simulachrum; sed grandibus titulis, ut vi-  
vant, suam inspirant animam, virtutem; dum paternas auitasq;  
Fortunas, non prodiga spargunt manu; sed publicis servant infor-  
tunijs: dum hereditarijs lecto ex creditibus auro, Martium tanquã  
cote acunt ferrum: citra omne Ceuimanorum Gygantum, tri-  
corporeorumq; Gerionum commentum ingens Reipublicæ corpus  
multis simul tuentur manibus. Digni sub quorum præsidio, contra  
temporum hominumq; iniurias, tutiores quàm sub Aiæis clypeo,  
ipsi in terris sint Superi. Interea, partâ uelut victoriâ, qui nun-  
quam pugnauerat hostis, tumidus, leges Poloniæ dabat, qui iuratis  
olim ad Chocimum fœderibus, datas, tot attritus cladibus accipiebat.  
In uniuersam horrendum detonare Rempubicam, Christiano sævus  
imminere Orbi, Urbibus, Prouincijs, ruinas & incendia, populis  
cadem ac sexcentas moliri mortes visus, rectâ in ruinam impellere,  
prostrata, extremo involvere statuit exitio. Lento ad grandia pro-  
cedentibus passu, Equitum Procerumq; Poloniæ Lithuanæq; Gen-  
tis Consilijs: bellum decretum est, ad quod communia omnium  
vota, priuata studia, publica comitiorum consulta, sacrorum augu-  
sta solennia, referebantur. Quasi hoc uno cardine, Fortuna Ciuilæ,  
Sors Poloniæ, Maiestas Regni, labefactata non nihil Sarmatici  
Nominis gloria, miteretur. Vñtato igitur bellorum feciali, tym-  
panorum sono; Christianum contra Gentiles Martem personante,  
mirâ omnium ordinum alacritate ad bellum itum est. Arma priori  
movenda erant Poloniæ, quàm suis velut excita sedibus consecuta  
est Lithuania. Nam et Illustrissimi belli Duces, qui grandem nu-  
tantis belli Fortunam, suis sustinerent humeris, armis, viris, ac  
nimis, instructas: magnis ad hosticum itineribus deduxêre copias:  
& carissima amplissimarum in Lithuania Familiarum pignora,  
militari adstricta numeravêre sacramento. Inter hæc, Illustrissimus  
Parens

**P**arens Tuus, Castimirus Sapieba, Palatinus Polocensis, prius  
 quam ingentem Turcici belli subiret procellam, ad Beatissimū  
 Martyrem & Pontificem Iosaphat, castri Polocensis indigentem,  
 ad Tutelare veluti suæ Prosapiæ Numen contendit. Hîc, dum ad  
 Aram Beatissimi Præsulis monumento proximam, res ageretur  
 Diuina, sacro Fortium resectus cibo, levante Thaumaturgam  
 Martyris manum, Illustrissimo Gabriele Kolenda, Archiepiscopo  
 Polocensi, se ipso minor, nam de genibus, bene precanti Iosaphat  
 sublimem inclinavit frontem. O præclarum Orthodoxæ pietatis exē  
 plum! pro Aris dimicaturus, ab Aris auxilia sumere; & augustā om  
 nis bonæ spei basim, non in humanis, sed in Divinis locare præsidijs.  
 Ibis, ibis Magne Heros per medias hostiū acies, & toto potens DEO  
 fulminali, bellicarum tonitrua machinarum, ut sterile sine telo  
 fulmen, ut fatuos ridebis ignes. Publicis iam dudum consecratum  
 curis caput, præsulæ Crucis munitum signo, altius omni gentilium  
 armorum efferes tempestate. Ne verò domesticis Illustrissimi Pa  
 latini impendijs scriptæ, eundem præsentem requirerent copiæ; ad  
 fuit, non ut theatralis aliena spectator virtutis, sed eximium Mar  
 tiæ spectaculum fortitudinis. Quid sua sequentibus signa agendū  
 esset, non imperijs docuit, sed exemplis. Dux in agmine, Miles in acie,  
 in arduis prior, in periculis nullo posterior. Grandibus conflictum  
 uniuerso exercitu occupante votis, hostemq; in Valackia quarendū  
 destinante, obstabat par magnis quibusq; Europæ fluminibus Tyras;  
 effusa quippe imbrium vi, mirūm quantum intumuerat, & adla  
 bentium per decliue novæ undarum suppetia, amnem represserant,  
 grauior anni tempestas, utpote in ipso autumni hyemisq; confinio,  
 aquas exasperat erat; ardore nihilominus pugnandi, omnem Cali, &  
 regnantis in subdito suæ Dominationi elemento, frigoris asperita  
 tem superante, ut nando flumē superaretur, decretum est. Hîc ceteros





inter Litluanae militie antesignanos, Illustrissimum Palatinum, Polocensem, non cunctatorem ad ripam Fabium, sed Heroico ausu sua precedentem signa Ductorem, tanto animatus exemplo spectavit Miles. Apertum Martem barbarus, vallo, fossâ machinis bellicis, validoq; Ianizarorum cinctus praesidio detrectabat, in unam ab omnibus itum est sententiam, ut infames Regni Harapia, suo quarentur in nido, cuius fiduciâ, robur nostrum despecterant. Signum proinde assultui classicis undiq; intonantibus, primos inter valli fossaeq; obstacula emensus: per stratos hostilium cadaverum accervos, suorum currus agitavit triumphorum. Quantum in medium missilium telorum ruebat imbrem? quantus nimio eminentia fastu, hominum, ceu papaverum capita, non Tarquiniano supercilio, sed fulminatore Turcarum Scanderbegi demetebat brachio: qui cum illo venit ad manus, capitis minor decidit ad pedes, infelix congressu, cum vincebatur à tanto, ipso nobilitabatur interitu. Tacete iam prisca veterum monumenta Dionysium, quod sexaginta millia operarum exercuerit, cum manibus areas Siracusanas ambibat: Neronem Historiographi, quod humeris corbem tulerit, cum Isthmum Corinthiorum perfodiebat; Caracallam annales, quod semper initium laboris fecerit, cum in castris agebat: Manuelem Commenum Graci, quod saxa veberet cum Dorileum renovabat: Non boum onerandis nata cervicibus terrarum saxorumq; pondera, humero tulisse, non militaris principium tantum pugna fecisse, sed grandibus Magnorum Heroum vestigijs, ancipitis in bello Fortune aleam imparvidum subijisse, egisse unum, quod decebat singulos, coruscantium latè armorum fulgore, facem veluti ceteris. Illustrissimum Parentem Tuum praestulisse sera dicet posteritas; atq; in omnem retrò saeculorum memoriam rectè factorum eius extendet gloriam. Alia interea in statione.

statione, eodem in campo, germana virtute. Paternâ Pauli Pala-  
tini Vilmensis, Exercituum Magni Ducatus Lithuaniae Ducis  
manu, Illustrissimus Dominus Franciscus Sapieha, Praefectus  
stabuli M.D. Lithuaniae, acrior hosti instabat: iam desperatione  
victoriae in furorem versum, propria usque ad spectantium admis-  
sionem prodigus vitae, validâ ferebat dextrâ: iam labem nomi-  
ni Polono aspersam, barbaro elucebat sanguine: iam reas violati  
foederis mentes, abitu e corpore ferro patefacto, pro sceleris ex-  
piatione ad ipsos relegabat inferos: donec Illustri tinctus san-  
guine, Sidonio Tiroque murice nobiliorem induit purpuram: ser-  
vantibus ad publicam felicitatem vel ipsis fati, tam nobile par  
Fratrum, quorum alter incolumis omnibus altior stetit periculis: alter  
grandi spiritu, angustam unius glandis aut pili viam dedignante,  
vocalem acrius roboris blante velut ore clamantem retulit cicat-  
ricem: uterque in siderum morem, pulchram lucis post se aperuit  
semitam, quâ digna Avis Proavisque posteritas, sudum illud & in-  
gens Sapiehae gloriae attingeret serenum. Hæc dum comme-  
moro, non intempestivus Orator, clarissimorum Poloniae & Lith-  
vaniae Gentis Turcico hoc bello Herodum album texerem; di-  
cerem comprimis, robore Militum, virtute Ducum, Cannas An-  
nibals, Actium Augusti, Ciliciam Alexandri, Carthaginiem  
Scipionis, Pharsaliam Caesaris, ad æviternam Poloni Nominis  
famam in Valachiam translata; sed vereor ne præcoct gaudio  
irritem Fortunam. Laceratus, non deletus hostis est. Odrisij Dra-  
conis volumina, spirasque, licet ense dissolvas, relictus mori to-  
tus nequit caput amputes, vivit in nova capitum sobole, balitu  
pestem inhalat, & mutilata in membra multiplicat. Feralis  
illa luna dum laborat, maritimos commoret æstus; dum deficere  
& decrescere videtur, plenum orbem acuit in cornua; quibus cum

alia Orthodoxa Regna, tum confinē, pupillam veluti Orbis Chris-  
tiani, impetit Poloniam. Insuper, malo tantam ingentium operū  
molem, voce intra admirationem harente, tacitus suspicere; quā  
Laconica in Magnis uti brevitate: aut omnium seculorum am-  
bitu coronandam, Polonae Lithuanæq; gentis famam, exiguis  
unius paginae circumscribere terminis. Circa piaculum tamen Il-  
lustrissimos Sapientiae Prosapiae Proceres, quos in Te uno Pere-  
illustris Domine hæc Symbolica grandium Magni Martyris Iosaphat  
operum spectant Icones, præterire non licuit. Ad Te u-  
niversa hæc hereditario cum iure veniunt decora; quæ Tibi pri-  
sca Maiorum adhuc in cunis, paternaq; elaboravit gloria. Pere-  
grina alij ex annalium monumentis suscitent, quæ sequantur exē-  
pla; Tu quot in terrestri veluti quodam Familiae tuae Pan-  
theo, & belli & pacis artibus insignes suspicis Herodis; tot acera-  
rimos ad gloriam experiris stimulos. Prætereo ceteros, habes  
avitam tot gentium, Polono Lithuanoq; Nomini infensissimarum  
trophæis celebrem, atq; etiamnum superstitem rectefactorum  
memoriam; hæc Tibi tritum ad angusta monstrat callem: habes  
proxima Turcici belli tempestate, magnis & felicibus ausis spes  
etabilem, Illustrissimum Parentem Tuum; sub hoc Tu Chirone in  
Herodē novus formaberis Achilles:

Accipiat Patris exemplum, tribuatque Nepot

Filius, & captis non desit fascibus hæres.

Clau:

Perge, quo Te Superi secundis vocant auspicijs, quo mortales u-  
nā mecum omnibus rapiunt votis. Adolesce in eam quam aus-  
gur bonorum omnium pollicetur animus, felicitatis maturitatem  
inter palmas, Laurosq; nati Sapientiani Nominis magnitudinem  
paribus æquis factis; tuum erit, ad omnem seræ posteritatis me-  
moriam: non nisi maxima gerere, ut nostra hæc ferax Literatorū  
etas,



*atas, suppeditet, qui Comite calamo, gesta possint excipere. Ita  
prono in omne obsequium precor animo: atq; has Symbolicas  
Icones, quibus obscura scribentis sepiā, non nihil offudit umbræ,  
sereno collustrēs vultu: etiam atque etiam peto.*

**Perillustri Domini Honori & obsequijs**

**additissimus**

**ANDREAS MODZIANOWSKI**  
**Societatis IESV.**



## Facultas. R. P. Provincialis

**A**NDREAS WODOWICZ Præpositus Provincialis  
Societatis IESV per Prouinciā Lituaniæ, pote-  
testate mihi ad id facta ab Adm R. P. nostro Io-  
anne Paulo Oliva Præposito Generali, concedo,  
ut Liber, cui inscriptio **ICONES SYMBOLICÆ**  
**vitæ & MORTIS BEATI IOSAPHAT;** à P. Andrea  
Młodzianowski Societatis nostræ Sacerdote con-  
cinnatus, & ab aliquot Theologis eiusdem Socie-  
tatis reuiscus, ac approbatus, typis mandetur.

Vilnæ Anno Domini 1675. 8 Februarij.

Idem qui supra. *m. p.*



# Compendium vitæ B. Iosaphat, Archiepiscopi Polocësis Martyris.

*Patriam Iosaphat Kunczevicius nactus est, Vlodimiriam urbem in ea Russia ora, quæ Volhynia Polonis nuncupatur sitam; Gabrielem, & Mariam Parentes, non Consulari modò Magistratu, sed & Orthodoxæ pietatis exemplis insignes. Per vetustam eorum originem, ad Nobilissimam Kunczeviciorum Familiam, pro insigni Gentilitio, Rosâ utentium, refert Iacobus Susza, Episcopus Chelmenfis, in vita Divo Iosaphat scripta; adduq; euntium in orbem rerum in orbe vitio, ab hac Fortuna, non tamen à præclara cum virtute indole defloruisse. Ab his Iosaphat derivatam cum sanguine, haustam cum lacte, integerrimè coluit probitatem. Cum puer admodum in Ecclesiâ S. Martyris Parasceves, in qua Christiâs initiatus fuerat mysterijs, pædētis de Cruce Salvatoris cōspexisset effigiem, didicissetq; Parentum Magisterio, DEI hominis extremo pro salute mundi affecti supplicio hanc esse iconem; repente è latere Crucifixi erumpens scintilla, ad intimos tenebrarum Speculatoris penetravit sinus. Nec sub operosi elementi imagine; gratia DEI in Iosaphat vacua fuit: nam exinde pietatis studia ardentius colere, familiarium consortio creptas horas, DEO Divinisq; rebus impendere, pusille nihil, præter ætatem agere visus est. Surgentibus annis, Adolescentulus, Maiorum suorum voluntate mercaturæ assuescere, inter obsequia unius è negotiatoribus Vilnensibus iussus; omne studium ad comparanda Cælestia lucra, ex Evangelico præscripto, per animæ salutariter perditæ detrimenta, convertit. Hinc concessa quieti tempora sacris impendere supplicationibus, maturo ad Ecclesiâ inire lucem antevertere, æris campani sonitu, populum ad laudes*



laudes DEo persolvendas convocare. solenne illi fuit; donec viginti annos natus, Religiosam Magni Basilij indutus vestem, ad Ecclesiā Sanctissimæ Trinitatis à Schismaticis desertam, angustum propè ingressum insedit cubiculum; ubi precario eoq; parcissimo pane vitæ Etians, ad veterem illam Eremitarum normam vitam instituit: asperitate corporis; & assumptis sponte supplicijs, nulli eorum, quos magnos in ipso vitæ Religiosæ tyrocinio legimus, inferior. Styli-  
tarum antiquorum æmulus, nudipes, lapidi in quem imminens ca-  
nalis collectos è templi tecto exonerabat imbres, insists; integras exigebat noctes. Strenuus Angelicæ integritatis propugnator, Feminam, labefactandæ pudicitie causa, dolo quopiam cubiculum ingressam, cum compositis ad S. severitatem verbis exigere non posset, exegit verberibus, Inter hæc Velaminus Rucki religiosissimus vir, domum tyrocini Religiosi ad præfatam S. Trinitatis adē instituit, hoc Magistro spiritus Iosaphat, cæteris sub signis Magni Basilij stipendia merentibus commilitonibus, omnibus absolutæ nu-  
meris Religiosæ vitæ exhibuit exemplar. Etatis mensuram æquan-  
te uirtute, in virum adolevit perfectum, flexanimi ad nutum im-  
perantis voluntate, assiduo orandi studio, singulari Augustissimæ  
Calorum Regina cultu, ardentissimâ DEi proximq; comprimis excelluit charitate. Ad hæc infraëti in adversorum tolerantia ro-  
boris, insensissimos contra se pugnantium odijs animos, mirâ fel-  
litate, ad placidissimæ pacis sensum componebat: ut non iniuriâ  
illud occuparet elogium, quod Magno, Gregorius Nazianzenus  
tribuit Basilio, dum inquit: Factus est Adamas percutientibus, Ma-  
gues dissidentibus. Ad Divinas Eucharistici Panis dapes quotidianus  
convivæ, non sine exuberanti, cælestis sensu dulcedinis accedebat.  
Hoc munitus præsidio, post fusas ad Dominum preces, lemures  
templo infestos, non sine prodigio exegit. Lucrandarum animarum  
zelo

zelo intentus, in reorum ergastulis frequens, in vltis ac compitis  
 furorum ac ruitum antros, salutari imbulbat catichesi. Pro res-  
 tituendis vnitati, Ecclesie Schismaticis, quos orientalem errorem  
 Romano dixit capite, mirum quantum sollicitus; et sollicitus pro  
 vno omnium fidelium Romae Principe, & pro Spiritus S. à Po-  
 tie & Filio processione ageret: privato Theologiae studio, capiti Au-  
 ditoris accommodante doctrinam Patre Fabricio Greza Societatis  
 IESV, operam adit. Nè reiò quid in lucranis *A* Catholicorum  
 animis praeiudicasse videretur, visibat nonnullos in domibus, re-  
 nerabatur alios in plateis, exorabat precibus, exhortabatur concio-  
 nibus ut Schismate ejurato unionem amplecterentur, minimèque  
 obscuris indicabat verbis; se pro vno orthodoxi carnis Capite, non  
 illibenter moriturum. Et certè parùm absuit, quin non in irritis  
 caderent vota, inter tot ac tanta vitæ discrimina, nisi vnus ino-  
 mnibus periculis protector DEVS, maiori certamini, & Athle-  
 tico agoni Martyrium serzasset. Iam tantus erat Iosaphat, ut  
 virtutis suffragio par maximis videretur honoribus, quos ille & si  
 maiore penè contentione declinaret, quàm nonnulli solent ambire,  
 parere tamen iussus, Zurchicij Religiosum adiit Magistratum; deo  
 inde Vilna Abbas (Arctimandritam Græci vocant) creatus est.  
 Regendi munere sublimior, summâ animi moderatione omnibus in-  
 ferior, beneficentiâ in pauperes, austerâ etiam parcitate, crebra  
 corporis flagellatione, ceterisq; rectè factorum apparuit actus in-  
 signibus. Exactis ad omnem virtutis normam illibata vitæ ratio-  
 nibus, insignem Iosaphat Sancti memiam, placuit Divina bonitati  
 sequentibus illustrare signis. Lapidem contactu pedum Iosaphat  
 dedicatum, minutatim sumptum, curandis corporum languoribus pe-  
 ridoneum Vilna probavit. Cum per noctem Polocia ante aditum S.  
 Sophiae coram icone Augustissima Matris preces funderet, radijs

atque ex eadem icona delapsis circumfusum, sursumq, elevatum, duo  
è famulis ipsius Iosaphat ex occulto conspexerunt. Refectionis bo-  
râ imminente, victû inopiâ Religiosâ laborabat Domus, Iosaphat  
ingentis spei plenus, post fusas ad Dominum preces, ubi mensis ac-  
cumbere iussit Fratres, duo Iuvenes nulli cogniti, benè conditos,  
ad triclinium intul're cibos, monueruntque, ut irent qui præstolan-  
tem ad ostia Monasterij victualium copiam, reciperent. Are alieno  
oppressa Matrona, cum succurrere non posset, Divino planè mu-  
nere, quingentos aureos oblatos, redux ab oratione percepit, nam  
qui obtulerat ignotus erat, & repentinè conspectui se eripuit. De-  
mum vim sue passus modestie, bonorum omnium voto, eorum, qui  
illi cum imperio præerant arbitria, Archiepiscopus Polocensis inaus-  
guratus est. Hic boni Pastoris partes ut impleret nullis se vinci  
præmijs, absterreri periculum, passus est, ut autoritate quâ pollebat,  
potestate quam cum amplissima acceperat Provincia, palabundas  
ad unum ovile & Pastorem oves non cogeret. Unde in tantum  
Schismaticorum incurrit odium, ut palam in exitium Præsulis sa-  
criste se obstringerent Sacramento. Tumultuatum est comprimis  
in Curia Polocensi, sed equestriis ordinis præsidio, salus Iosaphat  
stetit in integro. Vitebiscum itaq, iter Archiepiscopus instituens, im-  
minentis proximè non ignarus Mortis, sepulchralem secum detulit lo-  
culum. Hic sua in aula commorantem Iosaphat, suavisimôq, cum  
Calitibus in oratione commertio agonem suum prævenientem, An-  
no Domini millesimo sexcentesimo vigesimo tertio, die duodecima  
Novembris, signo prius in Curia, ac per omnes Ecclesias dato,  
Schismatici tumultuario aggrediuntur agmine, Ministros Præsulis  
diris conficiunt vulneribus: horum motus ejulatu ac clamoribus,  
dum ad armatam iterato prodit multitudinem Iosaphat, gravi fuste  
primùm ad terram deiectus, deinde geminato in vertice securis



ictu confectus, Martyr occubuit. Saxitum ultra Mortem, nam  
 varijs injurijs, ac verberibus exagitarunt exanimem Sacrilegi. Pra-  
 cipioatum postremò de monte, lintri imponentes, adverso flumine  
 Dunâ avexêre, & additis ad collum & pedes lapidum ponderibus,  
 in loco ad viginti cubitos alto, demersêre. Non defuêrunt prodigia,  
 quæ ex templo injontis Pontificis Mortem exceperunt. Hæc penul-  
 timo insinuata patent elogio. Vindex immanissimi sceleris, Illu-  
 strissimus Dominus Leo Saphieha, Palatinus Vilnensis, à Sigismun-  
 do III. Rege electus est, ejusdem Illustrissimi Filius Leo Casimi-  
 rus Saphieha Procancellarius Magni Ducatus Lithvania, tumu-  
 lum Divo Martyri argenteum, calaturâ peractæ cædis insignem,  
 erexit. Urbanus verò octavus celebrandi Missam, & recitandi  
 officium de Beato Martyre Iosaphato, licentiam peculiari indulto  
 concessit. Dic 16. Maij M. D. C. XLIII. Pontificatus sui xx.



1. The first part of the paper is devoted to a general discussion of the problem of the origin of life. It is shown that the problem is one of the most important and interesting in the history of science. The author discusses the various theories of the origin of life, and shows that the most probable one is the theory of spontaneous generation. He also discusses the evidence in favor of this theory, and shows that it is supported by the facts of the case.

# PIIS ORITUR PARENTIBVS.



Candida silvestres non gignunt Lilia dumī,  
Nec roseas asper, fert paliurus opes.  
Radicis succos botrus trahit, arboris atq̃;  
Sūt bona mala, bonæ; sūt mala mala, malæ,  
Iosaphat eia bonis Genitoribus orte, bonorū  
Hæres magnorum, nam bonitatis eris.

A

ELO.



# ELOGIUM I.

Sunt suæ telluri Venæ,  
hæ Cælo incisæ, aurum in nostros fundunt sinus:  
Vt vivant illi, quibus hic terræ sanguis est pro anima.  
Haustos quæris quo vertat succos propago?

(Verbum pro nomine accipe)

respondet, propago.

A radice per thyrsum ascendens terræ filius humor,

Vux, botri, vini,

Legitimam nobilium participat familiam titulorum.

Acceptarum ubi deest communio gratiarum,

fecundæ Matris Naturæ improlii partus,

Regina sine populo regnat sterilitas.

Quæ cernitur fecunditas in rebus, eadem est in moribus:

Errat, qui quod de Phœnice, idem sentit & de virtute.

Eius species non saluatur in individuo;

Sed ut vitium vitia,

ita virtus multiplicat virtutes.

Malitia & bonitas longâ serie suos respiciunt protoplastas.

Generosa germina similes repullulant in ortus.

---

*Nobilis in Arabia Avis Phœnix, una toto orbe tantum esse, scribitur  
ab Authoribus.*

- a. Sæpius Blanca ferunt Orbi Ludouicos,  
 b. Agripinæ Neronæ,  
 c. quàm Edesij Margaritas. Dioscori Barbaras.  
 Quid Iosaphat?

Vaus duorum Parentum cùm hæreditet bona,  
 Nulla vitiorum admittet mala.

Extinguant nonnulli Maiorum famam, ne arguantur degeneres;  
 at non extinguitur, qui desideratur extinctus.

Gratus acceptæ vitæ Iosaphat,  
 reddet vitam Parentibus.

Vivent & spirabunt, pij in pijssimo.

Si Spicæ germen à radice venit & culmo;  
 frugi Pater & Mater,

bonæ frugis Vbertatem promittit in filio.

Hauſta cum lacte, transmissa cum sanguine probitas,

in Regno virtutis primò candidatum,

deinde Regem Iosaphat promittit purpuratum.

Virtutis est monſtra domare non parere

Degener quippe bono Patri filius,  
 errantis in alienos fætus naturæ ostentum est.

A. Blanca pia S. Ludouici Gallia Regis Mater. in vitis Sanctorum.  
 Pater Skarga b. Neronis Pater, negabat ex se, & Agripina, quid piam,  
 nisi detestabile nasci potuisse. Suetonius in Nerone. C. Edesius idolorum  
 Sacerdos, Parens S: Margareta, Dioscorus, Parens S. Barbara, gentilis,  
 filie intersector. In vitis SS. Pater Skarga.

A2

PATRIA

**PATRIA IOSAPHAT V LODIMIRIA:**  
**PARENTES GABRIEL & MARINA.**



Spem, nostrum certam venturæ pacis in orbē  
Patria dat, Mater Iosaphat, atq; Pater.  
Cedat vt infani procul anceps alea belli,  
Expectata diu fædera fert olea.  
Sarmaticos pacem doctura columba triones  
Rostro, rostrorum quam bene munus obit.

ELO.



# ELOGIUM II.

Quid clangis vocale æs & os buccinæ,  
Socium è terræ latebris evocas ferrum?  
En qui torturam ignis in suo vt vindicet tortore;  
humanum bibit sanguinem.  
Erroneo pede, humanâ dum vitur manu,  
d, errorem Scæuolæ multiplicat,  
innoxia pro noxijs pererrando viscera.  
Cane tuba receptui:  
Cusum in vomeres & sarculos ad hospitale solum  
retrahant boves ferrum.  
e. Vlodimiria potens pacis vrbs,  
Sepulchrum bello, incunabula præbet paci.  
f. In eiusdem togæ gremio tulerit pacem & bellum Fabius:  
At, sub armati Martis inarrecto,  
Nulla Bellonæ cum Iano nuptialium fæderum solennia.  
Scæuienti ad rabiem faminae,  
quæ cum pacato viro commercia?  
Funereis cupressis nihil cum pacificis oleis."

---

d. De errore Scæuolæ, qui Porſenam Regem, Romam obſidentem interfe-  
cturus, incidit in eius Purpuratū: Livius Florus. e. Vlodimiria ex ver-  
naculo vladam mirem, moderor pacem. f. Fabius Romanus, bellum Peni-  
denuntians, togæ gremio monſtrato, inquit: in hoc ego ſinu bellū pacemq̃  
porto. Florus lib. 2. cap. 5.

g. Procul è Volynia Getæ,  
 Pulchrum fæderis nomen, arcum linquite.  
 alatos mortis celeres, sagittas,  
 ad Thracios deportate fines.  
 Sancitis mundum inter & cælum fæderibus celebrem,  
 Nazareth Iudæam,  
 tuam Vlodimiria dic sororem.  
 o felix fæderum omen,  
 Gabrielis & M A R I Æ in Marina nomen!  
 Senescente mundo, si & pax consequit:  
 sub iisdem credo renascetur,  
 sub quibus nata est nominibus.  
 Exorere felicissime pacis prodrome Iosaphat,  
 h. quo ferrea primùm,  
 desinet ac toto surget gens aurea mundo.  
 Faber armorum, cos odiorum, Græcum apage schisma.  
 Angelus hic pacis, vtrâq; cùm faciet vaum,  
 interibis.  
 Nam quæ concordant, demptâ,  
 quæ dissident, positâ,  
 moriantur vnione.

---

g. Volynia Scytharum incurfionibus obuia: in hac Provincia natus Iosa-  
 phat. h. Virgilius Ecloga. 4. Qui fecit vtrâq; vnum. Ephes. 2.

MIRA

# MIRA MORUM MATURITATE EXCBLIT IN PVERITIA.



Spléndidus Hesperiiis quādo cōsurgit ab vndis  
Per caua Sol infans integer astra micat.  
Iosaphat haud aliter teneris maturus in annis,  
Est cano morum par grauitate seni.  
Iosaphat ergo senem si præmatura iuventus  
Moribus ostendit; vir puer est genitus.

ELO.



# ELOGIUM III.

Si diu vixit, quisquis diu senex fuit;  
quantum brevirati vitæ addis,  
dum pueritiam ordiris à senio,  
senilis puer ô Iosaphat?  
Non-solis iam,

i. Cæsaribus virtus contigit ante diem;  
Sed & in te,

k. ingenium cæleste suis velocius annis  
fugit.

Pulcherrima hæc lucra sunt:  
angusta vivendi tempora antevertere virtute.  
Prætextæ, togam;

& teneris annis, canos induere mores;

Qui citò sapiunt, diu sapiunt;

canam senum prudentiam inchoant pueri,

Vel in prætexta digni considerare inter Prætextatos.

Nec virtuti senum aliquid detrahit probitas iuvenum;

imò, cùm præoccupant annos moribus,

ætatem extendunt rectefactis.

Tempestiva maturitas,

probrosam abolet de senibus paramiam.

---

i. Rigordus in Horologio Principum. k. Ovidius apud eundem  
cap. XL.

Vt non bis pueri,  
Sed bis senes audiant.

Inopiæ iudicium censetur crescere cum tempore.

& mores debere moræ,

In necessitatis ius, non probitatis venit censum.

1. Procul hinc Pœtici cerebri alchimia: teste Æsop,  
fictus senex in iuvenem dum fingeris,  
totus figmentum es.

Tuæ prodigium virtutis est ô Iosaphat,

senex pueritia,

adultus in flore fructus,

in aurora ætatis, vespere maturitatis.

Coæva cæteris pueris levitas,

ad omnem licentiæ excurrit peripheriam.

Te tua in rerum omnium centro ita fixit gravitas;

Vt extra te nullus, intra te sis totus.

- m. Multiformis quippe nescit esse Proteus,  
qui nec senex, nec juvenc,

sed eodem semper, & immutabili manet in D E O;

---

1. Æsopem Patrem, Iasonis rogatu, à Medea è senex iuvenem factum dicunt Pœtæ. m. Proteum Ægypti Regem: in varias formas se vertere solitum, scribit Dio Lib. 2.

# SINGULARI AFFECTU JESUM CRUCIFIXVM CONTEMPLATUR,



Alpha notat uitā, tristē notat omega mortē,  
 Iosaphat in Christo spectat utrumq; libro:  
 Et noua dum mortis vitæq; duella revolvit,  
 Vivendi discit commoriendo modum.  
 O quam grande mori lucrum censebitur illi,  
 Artem viuendi, qui moriendo sciet?

ELO.



# ELOGIUM IV.

Vitam & Mortem, humanæ vitæ α & Ω

Divinæ tyro literaturæ Iosaphat discit:

dum mortis characteres in vitæ legit libro.

Magistrum sententiarum Evangelicarum dixero;

n. non tomum, sed atomum.

Sacro interveniente interdicto,

o. non comminuetis.

sectionum tamen quatuor apparuit numerus:

& in vno opere,

ab operarijs iniquitatis tor distincta prodiere opuscula;

quot cruentæ notæ.

p. Proh! emendatum hunc ubi iniquus censor voluit Librum;

quot successere correctiones:

q. Litera alibi,

Sanguinea hic occidit litura.

Vel si scripturam libet dicere,

dic acuto flagellorum stylo exaratam;

quam extrema periodo clausit Longiaus,

quando punctum non sine grandi fecit punctura.

---

n. Atomus ex Græco indivisus. o. Os non comminuetis ex eo. Ioan.

19. p. Emendatum ergo illum dimittam, Luce 23. ait Pilatus. q.

Litera enim occidit. 2. Corinth. 3.

Viden vt huic impallefcit libro Iofaphat ⁊  
mortalis, quippe color hic eft, quem induit,  
dum hinc, moriendo difcît viuere.

Novum YΞTEPON ΠPOTEPON mirare fpectator,  
ab vltima rerum linea,  
principia fumuntur difcendi,  
quando mors vitæ perpenditur.

κ. Insuper, vnum Crucis lignum, artifex amor in ampliffimam  
vertit cathedram,

è qua Iofaphat nouæ lectionem audit fapientiæ.

Hic profugæ mundi felicitatis ftatorem,  
factum redempti generis humani ftateram.

Vt mundus viveret, mundi vitam efle peremptam;

nil doceri felicius, nil difci vtilius,  
quàm noffe,

quomodo perdas animam in mortem breuem,

Vt reperiās in vitam perennem.

---

κ. Lignum, in quo fixa erant mem'ra patientis, eft cathedra Magi-  
ftri docentis S. Auguftinus. Tractatu 10. in Ioannem.

SCIN-

SCINTILLA IGNIS IN SINVM  
IOSAPHAT E CRVCIFIXI IMAGINE  
DESCENDIT.



Candidus æstiuï Phænix Hyperionis ales,  
Urget odoratum per flabra bina rogam.  
Empyreï flammam Phænix en noster amoris,  
De cruce ceu geminis excitat ipse flabris.  
Cū sit odor Christi bonus, vltus Iosaphat isto  
Igne, suo gratum fit thymiana DEO.

---

*Phenicem senescentem ex casie thurisq; surculis construero rogam, quo  
accenso à sole, ipsum super emori, tradit Manilius.*

ELO-



# ELOGIUM V.

S. Qui ignem venit missurus in terras,  
quàm verè id fecerit vius,  
vel inde collige,  
quòd idem præstet & pictus?

In primo in orbem ingressu;  
Ut aptam concipendæ flammæ materiam inveniret,  
requieuit in feno.

Hoc illum & nunc agere ille ambigat,  
qui omnem carnem esse fenum ignorat.

T. Incendium olim Romam splendori peperit & Regno,  
Troianis é flammis, hæc vrbs ad terrarum imperium nata est.  
At nunc,

ô quam splendide per ignem illabitur felicitas,  
cùm á DEO, & DEO ardere beatum sit.

Vitali hac plagâ saucium cor,

Divinæ erit vitæ principium:

Celer ad omnia motus vitam prodet;

Operosi elementi in amore imago,

Otium ne in vocabulo quidem admittit?

Nam & amo actiuum, & amor actiuus est.

---

*S. Ignem veni mittere in terram, Lucæ. 12. T. Incendio deletâ Troiâ,  
Troiani profugi, Vrbi Rome initia dedere. Lipsius Lib. 1. Omnis ca-  
ro fenum Isaiæ. 40.*

Cape hanc future flamen flammam;  
Sacrificio in ara vespertino nè ignis & thymiama desit,  
facies;

cùm flagrando, fragrabis;

u. Bonus odor Christi in omni loco.

Aut novus novæ legis Nòc.

Post expiatum Dominici sanguinis diluvio mundum;  
offer holocaustum Domino.

En prodigus sui in nostra commoda noster Phœnix,  
bina brachia ceu alas accomodat in flabra.

ab hoc flammifero afflatu,

Tu, idem ipse offerens, & victima;

cùm citra combustionem ardebis:

a. b. c. Rubi, asbesti, Salamandræ, miracula mundo reduces

d. & ignem hunc, plus, quàm Vestali religione  
facies æternum?

Ignis quippe Divinus, qui omnia consummat in melius;  
nihil consumit in deterius,  
æternus est.

---

a. Christi bonus odor sumus in omni loco. 2. Corinth. 2. a De verbo ardente incombusto, Exodi 3. b. Lini genus igne non exurit, sed loco aque: ut lavetur ignem habet. Plinius. c. Salamandra ex laceratarum genere, vivit in igne, Aristoteles. d. Focum Vestæ Deæ virginibus colendum Numa Pompilius, dedit. Florus lib. 3. cap. 2.

PLV-

PULSV CAMPANARUM HOMINES  
AD DIVINAS EXCITAT LAVDES.



Seu caput æquoreis Titan demergat in vndis,  
Seu medio placidum proferat axe diem:  
Sedulus o quoties grandi pendentia pulsu,  
Ante sacram impellis Iosaphat æra, domum  
Vocalis quantum dici tua dextra meretur,  
Supples, quando cies æra, tot ora, manu.

ELO



# ELOGIUM VI.

e. Non sola sapientia in plateis dat vocem suam,  
sed & magna virtus ubique vocalis est,

cum non voce modo, sed & manu ad Deum homines convocat Iosaphat,  
amplior sonus est,

f. quam si nola veneretur in Nola,

g. campana in Campaniam.

Currite parvuli.

h. Vos novellos apum fetus æris tinnitu aduocat hic mellifluus?

i. Lunæ eclipsim prohibebant Indi campani æris sonitu,

k. quisquis mutaris ut Luna,

l. solem inter Deum & te ingerente se terrâ,  
ne eclipsim patiaris:

pulsu campanam, te sono petit Iosaphat:

Ut ante terram & humana,

Cælum cogites & Divina.

In cornua & litubs qui suum diuidunt spiritum,

quàm male alijs rapiunt alienum:

hos ad bellum animant.

---

e. Proverb. 1. f. Nola, vrbs Campanie. g. Campania: Italia regio. h. Apum examina tinnitus moratur: i. Pater Ines in Elogijs S. Xaverij. k. stultus, sicut lunâ mutatur Eccl: 27. l. Ex interpositione terre inter solem & lunam, fit eclipsis. Pymander Mercurij L. 4. cap. 5.

Vt illos exanimet.

Dat sonitu vitam Iosaphat,

m. Cùm quos lethalis desidiæ tarantula lecto affixit,  
ad hanc consurgunt Musicam,

n. supra fabulosos Corybantum pulsus,  
à campana vita hinc venit Divina,

o. qua Deo, Dij & filij vivunt excelsi.

Feri tortores tympanistæ,

in tympani equuleo dum torquent, & exanimés verberant feras;  
efferant homines.

sonus æris, dum populum convocat in vnum:

Matrem mansuetudinis colligit ad vnitatem.

Alicum æ multos hucusq; fecit miseros,

Iosaphat ære suo obstrictos,,

Omnes facit beatos.

Tempestivam pietatem in Deum illi sic debent,

Vt rei Divini cultûs non sint.

æneo præcone ad Divina vocari,

p. beati qui audiunt verbum DEI.

---

m. Tarantula Lacertæ minori similis, ab ea iæti canunt, dormiunt, concen-  
tus si statim iætis adhibeatur, tamdiu tripudiant, donec venenum consi-  
munt vires. Plinius. o. Dij estis & filij excelsi omnes. Psalm: 81. n. Co-  
ribantes sacerdotes Cibeles, Iovem educabant, & ne Saturnus, qui filios de-  
vorabat, vagientem audiret, tinnitus fecisse dicuntur à Pœttis. p. Lucæ. 11:

AD ÆDEM TRINITATIS a SCHISMATICIS  
DESERTAM SOLITARIVS DEGIT.



Sunt vno cernis prorsus nihil omnia dempto,  
Scilicet vna facit multa valere monas.  
Multus eris totas extra cum Numine turbas:  
Est cum Diuino Numine nil, aliquid.  
Nullus eris multas inter, sine Numine turbas.  
Omnia sunt vno nam nihil absq; DEO.



# ELOGIUM VII.

Proh Diuinam Nemescim?

q. Quo, nisi ad triformem sponte fugitis Hecaten,  
quibus & inter homines displicet vnitas;

& in DEO malè tractatur Trinitas.

Odijs vos deuoeo humanis,

r. qui de amore malè sentitis Diuino;

Schismatici.

Hem Deum pacis in dissidiorum ansam sumitis!

s. Nihil quippe ita facit dissidium, vt de DEO dissensio.

o Sacrum Monasterium,

quod sanctissima sibi vendicat monas.

o desertum sine deserto!

quod adoranda occupat Trias.

Hic solus, minimè solus versatur Iosaphat;

nulla quippe minor est cum quo verseris inopia,

quàm vbi Diuinæ Trinitatis est copia.

t. Domiaus in templo Sancto suo,

tam in hoc ad quod degit,

quàm quòd ipse est Iosaphat.

---

q. Hecate vxor Plutonis, triformis dicta, quòd sit Luna in celò, Diana in terra, Hecate in inferno. r. Error Græcorum negantium processionem Spiritus S. à Patre & Filio cum Priscilianistis, Phocio authore. Baronius. A. 867 & 883. contra Concil. Tolet. S. Gregorius Nazianzenus. t. Psalmo 10.

cui

2. cui ducto in sacram hanc solitudinem loquitur ad cor,  
Trinus & vnus DEVS.

Sic alia ad extra,

Hoc ad intra,

a. toti commune opus est Trinitati,

Inanis nil impijs conferat cyfra,

b. dum ambulant in circuitu!

c. sit insuper tantus cælitum numerus,

quantus hominum,

hoc vno sine DEO,

Atheus erit homo.

Iosaphat omnia in Divina possidet unitate;

sine Deorum aut creaturarum multitudine,

Qui legit intelligat;

Nil sunt omnia præsentia,

vbi vnus DEI est absentia.

Et animum & cor cætera distendant,

solus implet DEVS.

Dives in omnes qui invocant illum,

mundano asser,

beatissimum opponit satis.

---

a. Ducam eum in solitudinem & loquar ad cor eius. Osee 2. a. opera  
ad extra toti communia sunt Trinitati, aiunt Theologi b. Psalmo 11. c.  
Bruxillus Philosophus moriens ad senatum Romanum inquit, quemadmo-  
dum 1800. hominū: ita totidem millia relinquere se Deorū, In Horologio  
Principū lib. 1. cap. 6. c. Dives in omnes qui innocāt illum. ad Rom. 10.

SVB

SVB CANALI TEMPLI NVDIPES LAPIDI  
INSISTENS VIGILES AGIT NOCTES



Exiguos alto veluti mons vertice colles .  
Despicit, & patriam mole relinquit humū.  
Iosaphat in celsi summo sic culmine saxi,  
Altior ipse pigro cerneris esse solo .  
I felix, toti cum terra te eripe mundo:  
Iam debebis humo nil, nisi sis quod homo.

ELO.



# ELOGIUM VIII.

d. Iustitia tua ô Iosaphat sicut montes DEI:  
vere *ὄρους* ut sis,  
terram, terra relinquis,  
Non est è terris mollis ad astra via,  
quàm cùm ingrederis.  
Pedem figis in petra.

Sisiphos agant mundi sectatores,  
in vanum lapidem dum moveat omnem:  
quid non efficis dum premis vaum?  
rerum mutas naturas,  
motum reperis in firu.

Nam tam avidus cæli quàm pertæsus soli,  
hoc vno ab illo distare incipis lapide.  
A molli desuper elemento  
dura pateris.

e. Cætera magnæ Matris ossa retrò iacta  
monstrarint non unum mundo hominem,  
at hoc iisdem ex ossibus os,  
te nobis ostendit Angelum.

---

*d. Iustitia tua sicut montes Dei. Psalmo 35. c. ὄρους sine terra, & sanctus ex Græco e. Deucalion post diluvium Græcia, ut genus humanum repararet, oraculo Themidis iussus est magnæ matris ossa post tergum iacere lapides nimirum, qui fierent homines.*

cum

cum cælo fixus mente,  
terræ ipso te eripis corpore.

Inter pluviæ cæli eluvionem naufragus,  
hoc in scopulo tutus es:

ipsumq; cum calcas scopulum, contemnis periculum.

f. Inhospitalibus orbis indignatus diversorijs,  
pulverem cum calceamentis excutis de pedibus,  
Nobilem fugitivum ne ex vestigijs deprehendat mundus,  
durum pergis per lapidem.

Mollibus assueto, asperum sursum iter obijcis.

g. Huc non septem ut olim supra Zachariæ,  
Sed omnes supra hunc lapidem stellantis cæli oculi.

ô Vigiles de nocte siderum acies,  
quæ cæli militiam exercetis vigilando!  
Nostri sidus Poli, vester commilito sua pernoct in statione,  
pro stipendio expectat.

h. quem dabit Deus dilectis suis somnum.

Digaus ut quiescat in semper vigilantium consortio,

i. qui vigilavit in medio dormientium cameterio.

---

f. Excutites foras de domo vel civitate, excutite pulverem de pedibus  
Matth. 10. g. super lapidem unum septem oculi, Zachariæ 3. h. Psal:  
126. i. Cameterium ex Græco dormitorium.

F.EMI-

FEMINAM LABEFACTANDÆ PVDICITIÆ  
CAUSA INTRANTEM, ICTV BACVLI PELLIT,



Iosaphat illimis columenq; decusq; iuventæ,  
Immundæ vincis Cypria tela Deæ.  
Lilia virginei fervas intacta pudoris,  
Angelicas solo fuste tueris opes.  
Nam latis est pulchris vilis custodia rebus,  
Seps vernas servat lilia delicias.

D

ELO.



# ELOGIUM IX.

Astrorum è medio tollite Venerem Astronomi;  
cælum nomine, terras occupavit scelere;

ipsa sat nocens,

quasi sua incrementa nostris quærit in ruinis,

Alienam prædatur innocentiam;

ut ex nocente fiat nocentissima.

specioso quondam malo specie abusa;

k. etiam canas in Babilone inflammavit nives;

Ne parum aut in parte illam nocere putes,

inhiat integritati.

Eius cerussam titione deformavit Aquinas;

sanguine inuerecundam depinxit Benedictus;

fusto petit Iosaphat eandem.

1. Armaturam certe induit DEI,

m. qui orbem domuit, non ferro, sed ligno;

Notam sibi ex suis fraudibus intus,

qualis sit in cute, liuore icium depingit.

n. Fundâ David carneam fudit molem, o.

& in sublimis gloriæ fundamentum,

primum lapidem iecit in fronte;

R. De senibus populi, Zuzanne infestis: Danielis 13. 1. Induita vos armaturam Dei. Ephes 6. m. Augustinus in Psalmum 54. n. 1. Reg. 17. o. S. Chrysostomus Goliath appellat carneam turrem.

triumpha-

trīphatā incōtinentiā immensū gloriæ erēcturus colosū Iosaphat,

Hanc ligneam marmore firmiorem figit basim.

p. Nata præ limine quondam palma,  
omen victoriæ dedit Octavio Augusto.

Exsuccum in manu Iosaphat lignum,  
nouā partam victoria reuirit in palmam,  
Funeream nisi malis dicere cupressum,  
profligatæ Cypriæ Dæ erectam in tumulo.

q. Pondere annorum labilis sint nonnulli baculi senectutis;  
lubricæ hic baculus iuventutis,  
quàm feliciter infelicem prohibuit lapsū ?  
huic debet Iosaphat,  
quod steterit illibatus.

r. Iam non à Delphico oraculo discimus,  
ligneis muris vitam tueri,  
sed Iosaphat exemplo novimus,  
ligneis bene integritatem defendi telis;  
Mollia quippe blandi mali tela,  
nil contra duros possunt lætæ.  
Victoria hæc non minus quàm cæteræ,  
viris patatur, & armis.

---

p. *Suetonius de vita Augusti. q. Tobie. 5. v. Athenienses post pugnam Marathoniam, adventante Xerxe Delphici oraculi responsum acceperunt, salutem ligneis muris tuerentur. Themistocles marium præsidium interpretatus est. Iustinus. Lib: 2. num. 33.*

LAPIS CUI INSISTEBAT,  
MORBOS CVRAT.



**A** nimio veluti morientia lilia sole,  
Mobilis ex alto cūm premit vnda leuat :  
**Sic** surgunt sumpto languentia corpora saxo ,  
Iosaphat antè sacri quod tetigère pedes,  
**E**rigit ergo lapis si sursum, credo deorsum,  
Iosaphat ad nutum pluma vel ipsa premet.

ELO.

# ELOGIUM X.

ô nulla longi temporis felicitas!  
fugacem mundi bonorum naturam imitata;

s. & faniras in pennis visa est

Hæc Iosaphat beneficio grandi sistitur in lapide;

Adeo virtuti sterilis nullus est locus,

quando ferax prodigiorum vel exsucca apparuit petra;

Medica potuerit multum hucusque manus;

plus posse pedem Iosaphat,

t. docet hic lapis adiutorij.

Facessite iam mortis anteambulones morbi:

paribus vobiscum pugnatur armis,

pulveribus in quos redigitis homines;

lapidis obijciuntur pulveres;

quibus sumptis,

surgentibus tot clinicis,

ipsum iure dicas sursum gravitare saxum.

u. Cæsareo Caligulae interdicto damnata,

schedarum levia amuleta ventorum cedant in ludibrium:

Vbi graui in saxo fundata morborum sunt antidota.

---

s. Sanitas in pennis eius Mal. 4. t. de Lapide adiutorij 1. Reg. 4.  
s. 7. u. Caligula, Germanici Filius, capitis damnavit eos, qui schedas Rome venderent, curandis tertianis & quartanis febribus. Spartianus in Caracalla.



Canant Pœtæ;

a. Ad chelym & duras animantem Amphiona cautes;  
Pœticis nulla fides fidibus -

Ignobile terræ pondus olim hoc saxum,  
altius hominitus ascendit,

cum medica eius vis, Super ingenia & capita sit humana;

b. Cedite iam odoriferæ Arabum mumia, petra,  
cuius à Iosaphat haustus odor,

c. est multis in vitam.

Populares pratorum Pharmacopola;  
exterminatore florum sarculo terram vulnerant;  
vt sanent homines:

Tanto florum excidio,  
morbis parant exitium;

at lapis hic sui communionem vt prosit;

nil accipit de alieno,  
totum tribuit de suo.

sed heu metuendum,

ne tam grande bonum ipsa cesset in participatione;

beneficentiæ quippe natura est, sibi deficere  
vt alijs sufficias.

a. Amphionem dicunt Pœtæ, sequentibus cantum Lyre scopulis, The-  
bæum muros condidisse. Statius Thebaidos. 8. b. Ex corporibus, sine  
balsamo, siue alijs diversarum herbarum unguentis conditis, & à tribus  
annorum millibus integris, mumia petitur. In Peregrinatione Radivilia-  
na, mense Septemb. pag. 188. c. Alijs autem odor vite in vitam. 2.  
Corinth. 2.

RELI.

# RELIGIOSAM DIVI BASILII INDUIT VESTEM.



Clarior obscuro resplendet Cynthia cælo ,  
Squalida cùm nigræ tempora noctis eunt.  
Iosaphat o quanto fulgebit lumine, tectus  
Obscuro fuscæ papilione togæ.  
Subnigra splendorẽ prodent nam nubila, fiet  
Clarior vnde minus, clarior inde magis.

ELO.

# ELOGIUM XI.

Rarus dominata fulget in orbe luce.

Serenissimi,

Cæli decus, cælo rapiunt serenitatem,

Illustrissimi,

Iustra peroso mutuant à sole claritatem.

sunt qui lumen habent à tenebris,

dum non luceant nisi ut noctilucæ.

Alij lumen accendunt in aquis.

clari, precario gemmarum à splendore.

d Quanto felicius, Lux mundi,

Iosaphat suo illapsu domum fecit lucis;

quâ usque ad perfectum crescente diem,

sic fulgebit;

†

e. Vt Africanum Europæ reddat Fulgentium,

Triumphatrix frequens tenebrarum lux,

& in hoc pullæ vestis vincet duello.

Exasperante se opposito,

quas non exeret vires.

---

d. Ego sum Lux mundi. Ioan. 8. e. S. Fulgentius Sanctitatis glo.  
ria celebris, Ruspensis Episcopus in Africa natus. Emmanuel Theaurus  
in insulatis virtutibus.

Imo

Imo in licerum naturam transeunte Iosaphat  
hæc togæ Religiosæ nubecula, spectantibus,  
f. erit quasi vestigium quoddam hominis.

Augustius semper ad aspectum fuit lumen ex obscuro;

Diuinitatis est, suâ se involvere magnitudinæ:

Maximis Religionibus lucos prætexit Antiquitas,

quasi maiorem venerationem habituris ex abdito,

In cassum Africam, Numantiam, Coriolum,

g. Africanis, Numantini, Coriolani,

suo induunt nomini.

Audi, quisquis es redivivus ex Urbium busto Phœnix,

Ex quibus res constituuntur, in eadem & resolvuntur;

Ex Africæ & Numaantiæ cineribus nata,

in cineres redit gloria,

Africanis, Numaantinis suo dudum sepultis in cinere;

Bonum nomen alienis non debet malis,

Magnus à Magno Basilio Iosaphat Basilianus;

Magnitudinem famæ alienæ, augebit in sua;

Alieno sub titulo, propriâ virtute,

grande perennis famæ occupabit Nomen.

---

f. Nubecula quasi vestigium hominis. 3 Regum 18. g. A victa Africa  
Africanus Scipio, alter à Numantia vrbe Hispaniæ deleta, Numanti-  
us dictus. Coriolanus à Coriolis oppido capto; omnes Romani. Livius.  
Florus.

E

ASPE



ASPERITATI CORPORIS VACANDO,  
ÆRVMNIS ASSVESCIT.



Quàm grandis duro prodit de cortice fructus  
Cui natale dedit China remota solum.  
Cōmoda quāta capit, proprios cum Iosaphat  
Assumptâ toties asperitate domat. | artus,  
Ardua semper amat virtus cunabula, stricto  
Et rosa spinarum nascitur in gremio.

*Est in China arbor Sinis Polonie dicta, que in trunco producit fructum  
tuberosum, tanta vastitatis, ut singulis portandis singuli homines sint ne-  
cessarii: Cortex eius spinosus est. Pater Athanasius Kircherus in China il-  
lustrata num. 185.*

ELO-

# ELOGIUM XII.

Vt fortunæ ita virtutis partus paralleli sunt,

à prætexta ad togam,

à parvis virique ascendunt ad magna.

h. Augustus Octavius, prius puer imperavit ranis;  
quàm Cæsar Romanis.

i. Cyrus, ab armentis ascendit ad armamentaria;

Hercules, ante Lernæos confliclus,

Anguem elisit in cunis.

k. Theodosius, priusquàm arma tractaret vir,  
reptavit per scuta puer.

Non fert vllum ictum illæsa felicitas,

assidua cum incommodis rixa,

callum per iniurias inducit.

Stabit in acie vir,

l. qui Lacedæmonias stetit ad aras puer.

Hinc Iosaphat

malis spontè assuescit minoribus,

antequam par olim sit maioribus.

Cos virtutis adversa, si desint,

b. Octavius cùm primùm fari cepisset, ranas flere iussit, & conticuerūt.  
Suetonius in Octavio. i. A pastoribus primùm per ludum Rex pastorū  
electus, deinde Rex Persarum fuit. Iustinus lib. 1. pag 6. k. Re-  
ptasti per scuta puer. Claud de Theodosio. l. Lacedæmones ad experi-  
mentum tolerantie: paruulos suos aris admotos cedebant.

innocuas in se vt nocentem armat manus,  
vt in virum crescat perfectum,  
adultæ virtutis vbera,

sponte infligenda properat ad vulnera?  
m. Trichinatum & loricatum æmulus,  
post tot toleratas in corpore puncturas  
quidni audiat omne tulisse punctum?

Grave quondā memoriæ pondus manibus cōmunicarunt Hebra.  
n. vno totam Hierosolymam gestante digito.  
Cælum in ipsa corporis sui cælatura tulit Iosaphat,  
ferendus à cælo,

beneficentiam futuram pari prævenit obsequio?

Nil agere se arbitratus boni,  
nisi aliquid semper pateretur mali.

Ita nimirum, illis quos patiendi pro cælo exercet amor,

Omnis voluptas in pænam,

Omnis pæna abiit in voluptatem?

---

m. Dominicus Loricatus à lorica nudo corpore gestatâ, alter Trichi-  
natus ab aspero cilicio iugiter gestato dictus. TPI enim Græcè pilum  
significat. n. Iudei in annulis sculptam Hierosolymam urbem ferebant.  
P. Hierem: Drexell. De Dominico Loricato 14. Octobr. De Theo-  
doro Trichinate 20. April. Martyrologium Romanum.

IN

IN VIIS ET PLATEIS PUEROS ET  
RVDES SALVTARI IMBVIT CATECHESI,



Error in interitum ducat nē fortē viarū,  
Iosaphat eximiā dexteritate facit.  
Doctrinæ saluat non vnum Thesea filo,  
Æternæ monstrat quando salutis iter.  
Omnia nunc hominum tenui pendentia filo  
Scimus: ab hoc cū iam pēdet & ipsa salus.

ELO-



o. sermo Domini erat preciosus in diebus illis,  
 quando Chrysoſtomâ Iofaphat linguâ,  
 moris populi ferreos,  
 Vertebat in aureos.

p. Tacete Mythologi opificem auri Midæ virgam!  
 Dives artifex,  
 omnia convertit in cenſum.  
 nil ſervavit in cibum.

Iofaphat,

q. Virga oris ſui cùm format aurum,  
 in verbo in quo vivit omnis homo, offert cibum.  
 Iter ingreſſi nè errent,  
 Dux occurrit in vijs.

Per coactos ad Chriſtum pueros,  
 aggreditur adultos:

Vt conſtet

r. onus Chriſti leve quod ferunt & pueri,

o. 1 Regum 3. p. Midam Gordij Filium Phrygiæ Regem Bacchi benefici-  
 cio obtinuiſſe, ut quidquid tangeret aurum fieret, dicunt Poëtæ, proinde  
 potus, cibus ipſe, vertebatur in aurum, donec in Pactolo fluvio lavaretur.  
 q. Iſaie 11. percutiet terram virgâ oris ſui. r. onus meum leve Math. 11.

Hos,

Hos, qui dum terrena ambiunt,  
versantur in ambitu,

Vera Cynosura salutis, ad centrum ducit veritatis.

Clama iam, perora, diserte Tulli munde;

s. non Vacuorum vasorum pulsu obstrepit Antonius;

t. non velut cymbalum tinniens,

Sed de plenitudine Charitatis erumpente voce,  
ne audire, impedit Iosaphat.

u. Divinae Gorgon Palladis,  
ne humana sentiant homines,  
obdurat in lapides.

Novo iterum prodigio,

a. Sacrae luminæ orationis hæc cum collustrat Mænonis simulachra,  
ad virtutis animat concentum.

Ô quanta gaudia Angelis,  
propinat in pœnitentium lachrimis ?  
dum per veram contritionem,  
ad vitæ venit integritatem.  
Hæc tam mira vade, quæris ?

ΑΥΤΟΣ ΕΦΑ

Iosaphat,

Ipse dixit & facta sunt.

---

s. Perorans Cicero ne audiretur à populo Romano, tympanorum pulsu impedisse Antonium narrat Historia Romana. t. Factus sum sicut es sonans aut cymbalum tinniens 1. Corinth. 13. u. Pallas Medusæ vni Gorgonii irata, ob profanatum templum suum per scelus: capillos eius mutavit in angues, & ut omnis qui eam intueretur mutaretur in lapidem fecit. a Ad Memnonis statuum Titoni & aurore filij ab Achille occisi Sole oriente concentum musicum auditum ferunt Prisci Scriptores.

THEOLO

THEOLOGICÆ STUDIO DAT OPERAM  
PROFESSORE, P. FABRICIO GROZA SOCIETATIS IESV.



Quidquid ab artifice dextrâ cōfurgit in altum,  
Reclinem prono vertice lambet humum.  
Iosaphat eximio Diuina docente Magistro,  
Tendit ad excelsum, turris ut alta Polum.  
Ergo manū hæc merito Fabricæ fabrica mōst-  
Supremā: cuius sidera tangit opus.      rat

ELO.

# ELOGIUM XIV.

Fabrum quèmq; suæ fortunæ credo :

doctrinæ neminem iudico .

- b. DEI ædificatio Salomon ,  
vt quantum coronato capite ,  
tantum ipso emineret ingenio ;

DEVS fecit .

Æquitate famæ perennis de temporum non triumpharet iniurijs ,

Pecile , suo sine Zenone ,

- c. Lycæum , sine Aristotele ,  
Academia , sine Platone .

Hinc ,

in cassum posthac Phariseo dices ore Schisma ,

d. quomodo hic scit literas ?

quo fabricante apicem scientiæ ad cælos extulit ;

intelligis .

Voce comitante ingenium ,

Nil nisi Deum ac Divina posthac loquetur

Theologus .

- c. Ingenti fabricæ fata turris Babel non ominare :  
author imperfecti operis ,

---

b. Dei ædificatio estis . i. Corinth. 5. c. Loca horum Philosophorum  
lectionibus illustra . d. Ioannis 7. e. De confusis in structura turris  
Babel imperfectæ , linguis , Genesis 11.



linguarum hic abest confusio,

Vbi omnis loquela Catholica est.

Imò vni quod semel locutus est DEVS,

attenditur Verbo.

g. Fluctuantem in Rhodo supra maris tergum colossum.

liquida inuolbat ruina,

Operis huius stabile fundamentum est fides.

Idem certe, quod & omnium operum Dei,

h. cuius omnia opera in fide.

i. Incendiarij procul hinc Herostrati;

Propudiosi Numinis Ephesi occasum,

illustate in flamma.

Ignibus immundis infamem, igne expiante Deam.

Moles hæc intemerata expiatorum respuit ignem.

h. Imo scala Angelica,

quia Angelici hominis Iosaphat est.

Hæc ille à Creatore, ad creaturas descendit,

à creaturis, ascendit ad Creatorem.

l. Inuisibilia enim ipsius, à creatura mundi,

per ea quæ facta sunt intellecta conspiciuntur.

---

f. semel locutus est Deus Psalmo 17 g. Rhodus in mari Carpathio Insula, colossus habebat 70. cubitos altum. Vitruvius lib. 7. h. Psalm. 32. i. Herostratus propter famam nomini suo conciliandâ, Templum Ephesæ Dianæ incendit. Strabo lib. 14. k. De scala Iacob & Angelis ascendentibus & descendentibus Genes. 28. l. Ad Romanos cap. 1.

Pro

PRO UNO ECCLESIAE CAPITE CON-  
TRA, GRÆCORVM SCHISMA ACERRIME AGIT.



Vnū habet vna caput nō plus Ecclesia: Phæ-  
Vnus vt astringeri fulget in arce Poli. bus  
Quid dicam de te duplici cui creditur vnus.  
Orbis Christiadam vivere sub capite?  
Ebrius es Photi, nequeo plus dicere, corpus  
Vnum, qui geminum cernis habere caput:

# ELOGIUM XV.

m. Omnibus re diris deuoveo Photi,  
Monstrum, quâ genitus es, Matrem, Ecclesiam facis,  
cûm alterum affingis caput .

Quid monstrosius, quàm vnum biceps imperium?  
Vno cœlum terras intuetur oculo;

Vna in corpore humano mens subditos regit sensus;  
Terra firmitatem suam vni Principi centro debet:  
signum bello bifrons Ianc sustulisti,

a. Pharsalicum præana occinens,  
miles faciem feri.

Tu verò,

o. Confortare & esto robustus vir Iosaphat,  
rem gerts pro capite.

p. Græcorum agminum ab oriente Lunas,  
notum olim ad locum, ad Romanos coge pedes,  
Felix bellator.

---

m. Schisma orientalium, aliud sibi caput præter Romanum Pontificem  
Constantinopoli statuentium innuitur. Vide Baronium multis locis. n.  
Pharsalus Civitas Tessalie, in cuius campis Cæsar contra Pompeium  
dimicans, hanc ad suos vocem protulisse fertur. Miles faciem feri. o.  
Deutor. 31: p. Luna in calceis Patricios Romanos à vulgo secernebāt:  
Massenius in Palestra styli lib. 4. cap. 38.

gladio

gladio crïs tui quos feris,  
non dividis sed facis vnum.

Victoriam alij metuatur numero,  
cum victos recensent hostes per capita :

Tu in vno,

seu in altero quod præter Romanum fingitur, capite,  
q. æternæ gloriæ Romano maius erige Capitolium,  
Numeri damnum, magnitudo penset,

Grande Schismaticis caput est,  
quo tot acephalorum vivunt millia?  
Precul ferrea Caligulæ in auro vota,  
r, vnam toti populo optantis cervicem:  
Vt vnum cunctis venientibus sub ictum,  
Vnius fato,

Occumberent omnes.

Tu cum vnum omnibus voves caput,  
tua vota sunt pro populi vita,  
Lernæi monstri est, pluribus vivere capitibus:  
In hominibus, plura capita,  
cum membrorum tollant Symmetriam,  
tollunt & vitam.

---

q. Capitolium Arx Romana in monte Saturnio à Tarquinio superbo ex-  
tructa, dicta à capite hominis ibi in fundamentis reperto. Plinius lib. 3.  
cap. 5. v. Caligula Romanorum Imperator, monile aureum ferebat,  
cui insculpta erat hæc sententia, utinam omnis populus vnam haberet  
cervicem, ut vno ictu omnes necarem. Suetonius cap. 30.

EGRA.



ERGASTULA REORUM ADIT,  
BORVMQVE SE IMPENDIT SALVTI.



Improba vincitorum dissoluit vincla reorum  
Iosaphat, & tutam mōstrat ad astra viam.  
Si insons es iudex, insones i cape fontes.  
Namq; nequit cæli porta patere reis.  
Aut semel arrepto potiùs sine pergere calle,  
Cùm lex nulla reis claudat ad astra viam.

ELO.

# ELOGIUM XVI.

Oquàm arcta gemunt sub custodia,  
quibus omnia clausa sunt præter inferos;

Nunquam non pauidi,

quia nunquam non rei.

Vt innocentia se ipsam sine custode tuctur,  
ita crimen nullo arcium munimento securum est.

s. Colligationes impietatis vt solvat Iosaphat,

Servitio se obligat captivorum.

suæ oppositione innocentis,

noxas illustrat nocentium;

fateri docet, vt tollat nefas.

Nam quod tacite serpit, necat virus:

intra medelam dum patent mala sunt.

clam commissa damnat culpa fontes;

palam deplorata absolvit insontes.

t. Carcerem se ingressum asseruit olim Socrates,

vt loco demeret ignominiam:

suæ artifex gloriæ

non alienæ author felicitatis.

---

s. Dissolve colligationes impietatis Isaie 58. n. Læticæ in vitis  
Philosophorum.

Sui communione Iosaphat, quos inuenit miseros,  
reddit Beatos.

Conscientiâ scelerum obsessos,  
in libertatem Filiorum Vendicat;

u. Vt pro negato pileo, servi,  
coronam accipiant liberi,

a. Ite iam severi reorum Catones,  
quibus clausis negatis ad homines exitum,  
his Iosaphat solutis, ad cœlites aperit aditum:

Ad terrorem leti immobiles,

b. ceu saxeam figit Nioben,  
Vt mala inferenda, sentiant vt homines,  
ferant vt saxum,

Nec vitam petant auidi,

nec mortem expectent trepidi.

Nil timet, qui grandia sperat.

Contemptorem asinum vitæ præsentis, parit,  
spes non dubia futuræ.

O felices reos qui nil debent Deo,  
quos cœlum absoluit,

nec ipse damnare potest Areopagus.

---

u. *Pileus* signum libertatis apud Romanos. d. *Catonis* rigor in iudicâ-  
do, memoratur sæpe apud authores. b. *Filia Tantal*i ob confixas sagittas  
per *Apollinem* filias, præ nimio dolore mutata dicitur in lapidem. *Ovid.*  
c. *Metamor.* c. *Areopagus* erat *Athenis*, ubi primum iudicium capitie  
abû fuisse scribit *Plinius* L. 7. cap. 56. hinc *Areopagite* Iudices severissimi.

IN SIGNISVI VICTORIA IN NOSO-  
COMIO PURVLENTA LAMBIT VVLNERA.



17

Vt parui grano piperis conditur amaro ,  
    Insipidum tellus quidquid, & vnda parit.  
Omnia sic hausto pellit fastidia pure  
    Iosaphat, ægrorum clinicus atq; Pater.  
Errat non sapidis miscet qui dulcia rebus,  
    Nam sapor insipidis manat ab insipidis.

G

ELO-



- d Tacete Pòetæ, fabulares Circei poculi metamorphoses:  
 ipsis hominibus eripitis homines,  
 cùm convertitis inferas.
- Quanto nobilior Iosaphat gustato pure metamorphosis,  
 in virum ille mutatur alterum.
- Iam contra cognatum naturæ horrorem,  
 purulenta spectabit vulnera cum gustu,  
 non animi modò, sed & palati.
- Quidni beatum hoc dixeris philtum,  
 quod necessitatem amandi ærumnas imponit.  
 sciet optimè alienis compati ægritudinibus,  
 qui earum acerbitatem gustando percepit.
- e Quod si Ierichontine viator in hunc incidisses Sacerdotem,  
 samaritanum non expectasses.
- femivivo, sublatam balitu oris vitæ partem restituisset.
- Mifero, non opem tantùm, aut manum auxiliatricem,  
 sed & linguam admovisset.
- Mitiùs tua lambendo tractasset vulnera,  
 quàm Samaritanus alligando.

---

d Circe solis filia, veneficijs dedita, fingitur socios Vlyssis mutasse in porcos,  
*Virg. e. De homine descendente à Ierusalem in Iericho, à latronibus semi-  
 vivo relicto, cuius vulnera Samaritanus alligavit, & imposuit in jumentum  
 suum, Luce .10.*

Pedum usu destituto,

humeros pro iumento subiecisset,

f. vt iumentum factus apud te.

Alienis curandum non dedisset,

qui nec suis credidit manibus :

quas in se severiores expertus,

ne vlcera exasperarent incautè,

manuum officium, labijs nunquam non lenibus aggressus est.

Flores locuturos, floribus vefci solitos Oratores Romanos,

dixerit Homerus :

quasi verborum fucos à floribus mutuaret eloquentia,

& compti sermonis gratiam,

g. Flori floribus, hortis deberent Hortensij.

At hic à Poëtica Homeri fide Romanis venit applausus :

citra fabulam sacrationa nostro Iosaphat occinunt cantica,

h. Labia eius lilia distillantia,

odorem nimirum optimæ ædificationis.

vt iam,

i. merito delicatæ Theodoræ suos erubescant fastidire Calibitas,

& ipse epulo piaculum putet,

k. Si à Lazari ulceribus lingentes non arceat canes.

l. O si olim, aut nunc, terra unius cum Iosaphat labij fuisset,

pauciores aut nullos numeraremus ulcerosos.

---

f. Vt iumentum factus sum apud te Psalm: 72. g. Flores historicus, Hortensius Rhetor Romanus. h. cant. 5. i. Theodora Mater Ioannis Calibite, ignotum ad suas edes & pauperem Ioannem f. stidiebat, nolens intueri miserum. k. De mendico Lazaro & dirite ad cuius ianuam, canes, Lazari lingeant ulcera. Luce 15. l. Erat autem terra labij unius. Gen. 11.

GRAVI AVSTERITATE IEIUNIORVM  
IDENTIDEM SE AFFLIGIT.



Plena repentinos formidant robora ventos,  
Sed vacua Eure tuas ridet arundo minas.  
Iosaphat infestas exhausto corpore pugas,  
Invicto Victor pectore semper adit.  
Heu nostro miseri superamur robore, fortes  
Censemur carnis viribus absque, viri.

ELO.

# ELOGIUM XVIII.

m. Fuerint Macedoni obsoniorum artifices,  
ad prandium, iter nocturnum;  
ad cœnam, tenue prandium.

Importuna gulæ irritamenta sunt,  
diu sumere nil, vt tandem sumas omnia.

Quantò melius Iosaphat,

n. Panem in Regno Dei manducandum, iugi condit fame?

Beatæ perennitatis candidatus,

in Societatem vitæ suæ,

Vitæ mortem non admittit alienæ:

o. dum mortibus non viuit,

p. nec funebre sarcophagi circumfert nomen:

cetera liberalis,

cibi solius parcus;

Vt sibi nil ignoscat,

parcit cibo:

Vixque est inter homines homo:

quis enim ΑΝΘΡΩΠΩΣ

q. qui viuit penè ΑΤΡΩΣΩΣ.

---

m. Adas Regina Carum, obsonia mittenti, respondit Macedo, meliores  
se habere obsonatores, prandij, iter nocturnum, cœne, tenue prandium,  
Raderus in Apophteg. Alexandri n. Luca 14. o. mortibus viuimus.  
Seneca. p. sarcophagus ex Greco carnem comedentem significat. Anthro-  
pos homo. Atropos, sine cibo. q.

COR-



Corporis sollicitudine ,  
ad animum translata ,  
Virtutis cibum ,  
ambit jeiunium .

Tot absumptas adversitates, tot exhaustos sudores,  
in generosæ indolis suæ cessisse gauder alimentum .

r. Luctatoriam oleo semper instructus ad arenam.

Potum fortium, petit frigidam .

Romanæ quippe linguæ oraculum est :

s. qui vincunt, aquam bibunt .

In casum ab aquario Tyberi petito vocabulo,

Sobrietatem finxit in nomine ,

Tyberius Nero .

t. Biberius mero visus populo Romano .

Latentem è latice parsimoniam

ad se derivavit Iosaphat .

Loci religiosi ordinario, bene precante ieiunio ,

siccum illi copulavit panem ,

pane satur & aquâ .

Suspice Philosophe, nobilem vitæ humanæ demonstrationem,

dum eam ad sua principia reducit Iosaphat .

Nam

u. Initium Vitæ hominis aqua & panis .

---

r. Athleta oleo inungebant corpora, ne apprehensa teneri possent. s. Pescenius Romanus dicentibus militibus vinum non accepimus, pugnare non possumus, respondit, erubescite, qui vincunt, aquam bibunt. Spartanus .

t. In Caesarum elogijs. de Tyberio Nerone, Emmanuel Thesaurus. u. Eccles. 39.

DVM HV MILITATIS STUDIO INFIMA PETIT  
AD MAGISTRATVM RELIGIOSVM ZVROVICIIS ET VIL:  
NÆ ELEVATVR.



Fructifer excelsæ confurgit in æthera vertex,  
Arboris, & virides spargit vtrunque comas.  
Ast humiles inter primûm serpebat arenas,  
Radicem patuli mersit in ima soli.  
Ima iuvant sursum, protrudunt alta deorsum,  
Altior ut pateas delituisse iuvat.

ELO.

# ELOGIUM XIX.

Si omnia vanitas, & magnum in rebus inane,

a. motum tentas in vacuo,  
quisquis in altum tendis.

cuiuscûnque virtutis (an vitij?) impulsu te extuleris  
rues.

b. Vide Belisarios, Seianos. c.

grandia projectorum nomina,

hi celerius adversæ fortunæ impetu cecidère deorsum;  
quam prosperæ conatu ascendère sursum.

Quot quantique,

temerariam contra Philosophorum placita audaciam,  
expiant suspendio?

dum in vacuo rerum humanarum vacui.  
pendent;

spem inter & metum,

d. Magnis quippe privari omnium est,  
potiri paucorum.

Ambitosæ appetentiæ parsimoniam indixit Iosaphat;

Recte factorum gloriâ maior maximis,  
animi moderatione minor minimis,

e. infra quatuor terræ descendit minima,

a. negant in vacuo motum dari Philosophi. b. Belisarius, bellator gloriosissimus per invidorum delationem, à Iustiniano Cesare omnibus spoliatus, oculis erutis stipem mendicabat. Baronius 561. c. Seianus in summis honoribus apud Tyberium, curru aureo ut Caesar rehebatur: sed non multo post, iussu Tyberij capite plexus, in Tyberim proiectus est. Baronius A. 33. d. Nazianzenus in Horol. princip: lib: 2. num 77. e. quatuor terre sunt minima. Proverb. 30.

quando

quando totum id quod erat, humilitati sacrificavit,

f. cinereo non sine memento,

utinam inter multos,

non reperiās aliquos,

g. qui dormientem in sinu ambitionem,

repetito ad templum honoris pulsu, excitant?

h. Aut ad principatum, non caprarum grege,

i. Sed unius Amalthææ præeunte ducuntur à cornu?

Rectefactorum inopiam, auri supplente copiâ.

Nobilis sequacis gloriæ fugitivus Iosaphat,

ad honores cum duci non posset;

tractus est.

k. planè quasi nubem ascensum suum posuisset?

dum latere satagit, in tenebris obscurior:

in lucem emerit clarior.

Proprio è sensu nil nisi pulvis & cinis,

hoc è cinere novus gloriæ surrexit Phœnix.

l. Quis enim est qui ascendit?

nisi qui descendit.

Spreta nimirum in femente gloria, uberior redit in culmo.

---

f. Homo in cinerem revertetur. Iob. 20. g. Ambitio in sinu Sacerdotum dormit S. Cyprianus. h. Cranaus cum responsum oraculi accepisset, ducibus capris imperium quæreretur, urbem Edissam in Macadonia non sentientibus incolis propter imbras & nebulam, capras secutus, occupavit Regniq; sedem statuit. Iustinus lib. 7. i. Amalthea capra, Iovis nutrix, cornu suo omnem rerum abundantiam continuisse dicitur à Poëtis. k. Ponis nubem ascensum tuum. Psal. 10. l. Nemo ascendit in Cælum, nisi qui descendit de Cælo. Ioan. 3.



DIVINO AD ARAS EPVLO IN DIES  
'S E REFICIT.



Non vivit pabulo volucrum Regina palustri,  
Sed tua sublimis Cedre medulla sapit.  
Omnia sic inter lautæ conuivia mensæ,  
Nil nostro dignum Iosaphat Orbis habet.  
Infra se terras an non conviva relinquit?  
Altior est terris, cûi Deus ipse cibus.

ELO.

# ELOGIUM XX.

Lignea quàm malè sine lacte nos nutrijt nutrix!  
Hem malorum Iliade orbi in unico evolvente se malo,  
quanto mortales per escam privati ingemiscimus bono.

m. Lentum gustavi,

Velox excepit morior,

Infelices posteri,

nunc si quando ex sapientis placito,

ex eodem ubere vitam fugimus & mortem,

Vitæ idem quod & mortis sortiti principium:

Vnum hominem,

n. per quem mors intravit in mundum:

sed quanta Bucharistico in orbe,

ad orbem devoluitur felicitas.

Prodigus usque ad sui jacturam in nostra commoda,

fit cibus, vita. DEV S.

Quid ni ergo tibi ô felix conviva Iosaphat,

festivum vivat mundus acclamet,

cùm toties hac immortalitatis alimoniâ,

initiaris ad immortalitatem.

---

m. 1. Regum 14. Gustans gustavi in sumitate virge & ecce morior.  
n. Per unum hominem intravit peccatum in mundum & per peccatum  
mors. Rom. 5. Ex eodem ubere &c. Epicteti est sententia.

Iam diu mundo mortuus?

Pane Cæli,

cui vivis, eodem nutritis à Cælo:

o. Profanus quondam amor, liquatâ Regnū propinarit in gemma:

Ad te Divinæ artificio Charitatis,

quid hoc non venit in ferculo?

summus Sacrorum Antistes,

Ab hac latentis Dei cortina accipis oracula:

Regalis Sacerdotij munere Rex cū sis,

p. mamillâ Regum lactaris:

Nimirum ipsa Divinitate totâ lactea in libo cælesti:

Bella Domini pro orbis capite geris;

melior Gedeon,

q. hoc Subcinericij panis exterminatore exercituum gladio,

hostibus ad interitum,

ad publicæ pacis serenitatem, fulminabis.

Leonis de tribu Iuda pastus medullis:

contra efferos tam homines, quàm mores,

r. milita bonam militiam.

---

o. Cleopatra, Antonio propinatâ in potu gemmâ, addidit. Regnum bibisti. p. Isaie 60. mamillâ Regum lactaberis. q. Iudicum 7. Subcinericius Panis in castris Madian visus, gladium Gedeonis significavit. r. ad Thimot: 2.

**CVLTVI AVGVSTISSIMÆ MATRIS  
SPECIALITER VACAT.**



Cerne **MARIANO** plenū qui pectus amore  
 Fervida sidereis admovet arma tholis.  
 Non feriūt, sed vota ferūt hæc spicula Mariæ  
 Est optata quibus non nisi meta sinus.  
 Omnibus emissis telis ubi fiet inermes,  
 Captivus Divæ Virginis hoc cor erit.

**ELO.**



# ELOGIUM XXI.

3. Vacuum olim visceribus pectus Lauretanam tulit ad aram,  
felicissima & si sine extis victima,  
idemque Sacerdos.

Ô Prodigium!

palpitarunt præcordia calore non suo,  
nam ardentissima in M A R I A M charitatis:  
admirante naturâ atque pavente,  
ipsâ Vivebat in morte,  
sui baiulus & spectator cordis Mystis.  
donec in vitæ domo,  
limen atigit mortis.

MARIANVS & Iosaphat cor vbi rapuit amor,  
Suo vivit sine corde.

Vitæ principium MARIANVM natus,  
nil nisi M A R I A M,

• Spirat pectore, videt oculis, loquitur linguâ.  
Quantus in venerationem cadit,  
in laudes assurgit M A R I Æ:

Ibi genibus, labris, fronte, omnibus inferior:  
hic dicendi copiâ Demosthene & Tullio superior.

---

3. Sacerdos Augustissima virginis cultor, cum ad deferendam fidem à barbaris induci non posset. extractis Visceribus per apertum pectus, cruciatus est, cui cum barbari in manus viscera cum corde dedissent, uti promiserat, tulit sua ipse exta usque ad domum Lauretanam, ibiq; ante aram concidit. Peter Carolus de Luca Societ: IESV in oratione de Lauretana domo.

Theotocon

Theotocon dum credit,  
 primigeniâ immunem à noxa Prædicat.  
 t. Quodsi albes Deorum filios asseruit Plato,  
 quidni nulla fuscâ à labe Dei asserat Matrem Iosaphat,  
 nec convenire, ut ei concipi à Matre  
 sit mori,  
 cuius Filio à Patre concipi,  
 est nasci.  
 Terrarum mariumque dignam Imperio affirmat,  
 quam supra omnium septemvirum Vota,  
 geminata electione,  
 elegit & prælegit unus elector DEVS.  
 Terribilem ut castrorum aciem nuncupat:  
 cuius Maternus ipse Tonans est ad manus,  
 toto potens terras expugnare caelo.  
 u. Ite procul inania Momi vota,  
 cor patet Iosaphat:  
 nam totum MARIA possidet;  
 hoc ad honoris MARIANI aram immolato,  
 charitatis igne successa inter medias lacrymarum vndas;  
 felix Iosaphat ardet hostia.

---

1. Plato de Republica. u. Momus optabat patens ad  
 corda humana ostium.

ALIMONIA PRODIGIOSE OBTENTA  
EGESTATI FRATRVM SVBVENIT.



Ad fera bella vocant iratum cornua Martem ,  
Ferrificoq; cient arma cruenta sono.  
At cornu pulchrum tribuit cūi copia nomen,  
Iosaphat in dextra quid canit atq; facit?  
Vt sua claustra fames posthac inimica relin-  
Hoc illi cornu nuntiat exilium. quat,

ELO.

Quàm magnum dominantis latè per orbem famis regnum ?  
Imperijs olim latissimis panis erat arctus.

Urbs cui horreum Sicilia ,

parum habuit quo vescerentur homines ,

a. quando ingemuit omne frumentum absumpsisse DEOS.

b. Rerum Domina, solos non semper habuit Frangipanos.

Hem malum ?

foris in prædam cùm raperentur humana,

intus in cibum ipsi rapiebantur homines.

Circe planè in Circensibus vociferante ,

c. humanæ sit precium carni ,

Hoc duce malo ,

d. Inermis olim in exitium armatorum ruebat sexus .

Eidem quo iam non patet aditus ?

Si vel religiosa violat interdicta ,

cùm intrat, femina fames.

At Sancte tot filiorum Pater Iosaphat,

a. Augustus Octavius cenam faciebat, in qua adhibebat sex convivas habitu Deorum, sex habitu Dearum, ipse vero Apollinem vescerebat; unde Romæ fame invalescente, clamatum est, omne frumentum Deos comedisse. Suetonius de Augusto. b. Frangipani Romanorum Familia, de qua Baronius. c. Obsidente Alarico Romam in Circensibus ludis clamabatur, ad Honoriam Imperatorem: ut humane pretium carni poneret. s. Petior de obsidione Rupelle. d. sub Vitige, Româ à Grecis & Gothicis afflictâ fame, duæ mulieres, septemdecim milites, ad escam iugularunt, à decimo o, stavo victæ, & proditæ. Baron. A. 539.



qui cælestem & illibatũ unius vocabuli compendio exhibes vitam,  
 cùm colis cælibatum,  
 ac in nomine quidem alterum ingredi sis sexum.  
 Queruli mali de nutritione questionem,  
 c. Vnde ememus panes?  
 Unicâ panum soluis propositione.  
 f. Ô Dive novæ legis Achimelech,  
 à facie Domini sublato pane,  
 tuos reficis unctos;  
 & ad Sacra Religiosæ domûs adita,  
 non modo homines,  
 sed nec panes admittis laicos,  
 Filij Lucis,  
 tanto illustrem prodigio instruens mensam;  
 g. alteram statuis ΗΑΙΟΥ ΤΡΑΠΕΖΑΝ.  
 Cætera clementissimus,  
 inclementem meritò exilio multas famem.  
 sunt, quibus fides in culinâ calet,  
 h. spes in foco iacet:  
 tu omnia edulia perosus in regione morientium,  
 quam speras, percipis annonam de terra viventium?  
 Hæc te verè spes non fallit, sed alit.

---

e. Vnde ememus panes, Ioan: 6. f. Achimelech Sacerdos, David in  
 Regem uncto panem petenti, respondit non habeo Laicos panes ad manum. neque  
 enim erat ibi panis, nisi tantam propositionis, qui sublato fuerant à facie  
 Domini. 1. Regum 21. g. Apud Æthiopes, est locus apparatus epulis  
 semper refectus, ΗΑΙΟΥ ΤΡΑΠΕΖΑΝ, solis mensam appellant, affir-  
 mantq; inpassi subinde Divinitus fercula. Pomponius Mela de situ orbis  
 lib: 3. cap: 10. h. Tertuliani sententia.

LEMV-

LEMVRES NOCTV E TEMPLO POST O-  
 RATIONEM VENERABILI  
 IN MANVM ACCEPTO PELLIT.



Nocturnas solis percellunt spicula volucres,  
 Restituit claram Lux ubi nata diem.  
 Iosaphat est nostro pro quantum fidus in orbe!  
 Quod ferit infernæ mōstra nefāda stygis.  
 Ad tenebras tenebræ, vobis nisi nulla simultas  
 Est cum Lucifero Iosaphat, este simul.

# ELOGIUM XXIII.

- i. Actutum fuge inferne Madian,  
En novus Gedeon Iosaphat,  
Vocali precum tubâ, tuo præcinit exitio.  
lampadem manu præfert,  
nam,
- k. Lumen in testa, Divinitas est in carne.  
Incautis ne pestem affles.
- l. Lumine collustraris solifuga.
- m. Supra pinnaaculum templi prolatum audax deorsum,  
in templo expia, cedendo retrorsum,  
foris patrata hic expiantur culpæ.  
Lex olim data per Moysen,
- n. sonante tonitru, micante fulgure:  
Plena tonante Iosaphat manus,  
dum te fulminat ô Styx,  
Legem tibi pudendæ ponit fugæ,  
ad Regnum sine Rege,  
ad exlegem populum, vbi nullus ordo,  
iter imperat.

---

6. De Gedeone Madianitas sono tube & lampadum fracturâ vincente, Iudic. 7. k. S. Gregorius 2. Moral: homil. 34. l. In Sardinia Animal perexiguum, simile Araneis, quod solem fugiat, solifuga dictum. Solinus in Polyhistoro cap. 10. m. Math. 4. n. Exodi 19.

Supra

**o.** Supra crystallinum Persarum in praelio solem,  
vos hic fugat ô tenebræ;

**p.** cuius oriens nomen est.

**q.** Apud novissimum & primum,  
nec prima, nec novissima hæc est victoria.

**Quis, nisi hic, incestam illam naturam æternæ flammæ custodem,**

**r.** malarum Vestalium supplicio ex alto impellens,  
ex Hespero fecit Luciferum?

**An non & tu alium orbi exhibuisti Isaiam Iosaphat?**  
invocâsti enim Dominum,

**s.** ut umbras has reduceres retrorsum.

**Quod si ut corporum ita operum molem,**  
metiri liceret ex umbris,

**Maiora te gessisse quàm geri possent diceremus?**

**Quanta enim umbræ sunt,**

**quæ cæca patent in nocte,**

**& ipso terminantur Averno?**

**Sed Divinorum non tuorum operum præco,**

**Iulianum cum Carolo ut corrigas trilogium:**

**Inquis;**

**t. Veni, vidi, Christus vicit.**

---

**o.** Ante Darium procedentem ad bellum Macedonicum, crystallinus  
ferebatur sol. Curtius. **p.** Ecce vir oriens nomen eius, Zachar. 8.  
**q.** Ego sum primus & novissimus, Apoc. 1. **r.** Vestales, incestus  
convictæ, de rupe præcipitabantur. **s.** De umbra reducta in horologio  
Achaz. 4. Reg. 20. **veni, vidi, vici, Iulij Cesaris vox est. Plutarchus.**



ALIENVM ÆS EXOLVTVRVS, POST ORATIONEM AB IGNOTO IVVENE, 600. ACCIPIT DVCATOS



Aurea solvūtur nūquam nisi vincula ab auro,  
 Ferrea ceu ferrum solvere vincla solet.  
 Rumpitur ē fuluo cōstructa catena metallo :  
 Cum cellos pulsas supplice voce Polos.  
 Iosaphat esse mihi Chrysostom⁹ ergo videris,  
 Aurum quæ soluunt, aurea verba puto.

ELO.

**v.** Non soli vincula fontium auro fabricant Automolæ,  
quot quantique nostris in terris, auro dato,  
tot obligatos sibi tenent debitores.

*proli. lib.* Ita nimirum,  
quod natura esse voluit omnium,  
habendi cupiditas fecit paucorum.

Aurum homines,

a. custodiunt ut Gryphes.

Hoc non nisi totâ venale est libertate;  
datur, ut sis obstrictus danti.

Hem tela necessitatis ferrea,  
quæ nos vincula implicant in aurea.  
Maiorem gloriam ratus Iosaphat,  
compedes non sustinuisse;

quàm rupisse:

*proli. lib.* Blandæ Dalilæ, rerum terrenarum cupiditati,

**b.** Antagonistam, sororem bonæ mentis opponit paupertatem.

c. Vincitos aureis vinculis in mendicitate.

Soluturus à ferrea servitute.

*u.* Apud Automolas Aethiopiæ populos, propter copiam, aurum in minore pretio est, ere exornantur, fontes, vincunt auro. Pomponius Melade situ orbis lib. 3. cap. 10. *a.* Gryphi, senum & pertinax ferarum genus, aurum terrâ egestum mirè amant: & custodiunt, & sunt infesti attingentibus. Idem. lib. 2. cap. 1. *b.* Soror bonæ mentis paupertas. Guevarra in Horologio Princip. *c.* Vincitos in mendicitate. Psal: 106.

pro

pro aurea Cælo supplicat libertate.  
Latere solitum metallum in profundo,  
missum accipit ex alto.

Itē iam crudeles scrutariorum operæ,  
quos mala viperarum indoles,

d. aut Neronis occupavit ingenium.

Proh materna telluris scrutamini viscera;  
vsque ad ipsas auri venas.

c. Ea qui vestræ struitis sepulchra concupiscentiæ:  
dum montium & collium jma subruitis;  
tacente ore, vocali manu, dicitis  
montibus, cadite super nos,  
f. & collibus operite nos.

O Felix aurum!

eius Magnes Iosaphat extitit oratio,

g. & labor labiorum eius,

operuit alieno spoliatus ab ære.

Volante cælum versus dum fertur manu,

& celeritate geminat beneficium, & orbi exhibet miraculum  
dum quæri ab alijs solitum.

Ipsū Iosaphat quærit aurum.

Dabit semper bona cælum mortalibus petentibus,

Si erogare velint egentibus.

---

*J. Vipera per vosum maternum uterum, prodire in lucem dicuntur.  
Nero, Matris interfector, de quo illud cuiuspiā extat dictum, scrutatus est  
ferro materna viscera, scire cupiens an ferrea essent, quæ talem genuerunt. c.  
sepulchra concupiscentiæ, numerorum 11. f. Luca 23. g. Psal: 139.*

ANIMARUM SALUTI, IN OMNI LO-  
CO. ET OCCASIONE VACAT



Roscida punicei qualis post nubila cæli,  
Omnia conspicuis recreat imber aquis.  
Non habito talis rerum discrimine, fundit  
Iosaphat eloquij larga fluenta Sacri .  
Cælorum mediis in terris incola salve,  
Qui cæli genio vivis & ingenio .

K

ELO.



# ELOGIUM. XXV.

Usque adeò prodigum est in nostra commoda cælum,  
 ut cum nullo discrimine prosit omnibus:  
 proijci magis, quàm dari putes beneficium.  
 soli beneficia terrigenæ spargimus in semina.  
 solum quærimus, quod gratiam reddat cum favore,  
 Tardè & in paucos benefeci,  
 tristem beneficijs induimus frontem;  
 dum diu nos noluisse, & paucis benè voluisse probamus,  
 Nostri sidus Poli Iosaphat,  
 Cæli, & siderum induit ingenium;  
 prodesse se arbitratus nulli,  
 Si non prodesset vel vni.  
 sit sua Epicteto fides,  
 rorem pluvium hominum sermonem asserenti.  
 h. Nam Iosaphat eloquium dum ut ros pluit,  
 i. bis vernantem floribus, nostras terras vertit in Campaniam.  
 Iam arida repullulant,  
 mortua reviviscunt,  
 Vivuntque illi singula, cui omnia vivunt DEO,

---

h. Fluat ut ros eloquium meum. Deut. 2. 1. Campania plaga est  
 nil mollius cælo, denique bis floribus vernat Florus. Lib. 1. cap. 16.

Quis ampliùs credat,

k. Sterilis soli ingenium nullo meliùs vomere subigi quã gladio.  
quando huius roris illapsu,

opum senticeta in beneficentiam,

inopiã salebrosa reflorescunt in tolerantiam.

l. Hùc qui quasi Ciconum bibissetis flumen,  
quod tactis inducit marmora rebus;

Ad bonum adamantini,

ad malum cerei:

Agere prompti humana,

pati segnes Divina;

m. Vos mollem Gedeonis vertit in lanam Iosaphat,  
quã superiùs Divinã gratiã bibat irriguum.

n. Pensili de zona horreo,

incassum aureã messis proventus spondeat Stratocles,  
è semente judiciariã iniquitatis.

nil nisi tribuli alienã pullulant calamitatis.

Aureus, aurei oris ros,

Pretiosos vitæ melioris germinabât fructus,

& decrepita atas ferrea, juvenescet in aurea

---

k. Pater Ines in *elogijs Regum Polonia*. l. Flumen habent Cicones  
quod potum, saxea reddit viscera, quod tactis inducit marmora rebus. *Se-*  
*neca lib. Natur. ques. 3. ex-Ovid.* m. De vellere Gedeonis à rore  
irrigato. *Iudic. 6. n.* Stratocles Iudex, quoties ad tribunal ibat, saccum  
suum compellans, airbat! succe, sacce, camus ad auream messem. *Plutar-*  
*chus in moral.*

# CREBRIS IMPETITUS PERICULIS

DIVINA VIRTUTE SERVATUR ILLÆSVS.



Apparat infōti celerē plebs improba mortem,  
Iosaphat, & rabidas fulminat ore minas.  
Attamen in mediis tutus salvusque periclis,  
Non nisi fidereo vivit ab auxilio.  
Iosaphat Ætherei certus cū civis Olympi  
Sit, pro cive Polus corripit arma suo.

ELO.

# ELOGIUM XXVI.

Armatus sit oportet quem oderim ,  
aiebat Macedo :

o. & ipse Pompeij hostis, neminem occidit, nisi armatum.  
Fortium nimirum Virorum iræ, palàm aggrediuntur armatos,  
imbellium odia ,  
clam obruant inermes.

Quoties iam unus non moreretur Iosaphat ,  
si pro inermi, in armis non excubarent astra .  
Et quid ni pro suo Polus arma sumeret municepe ,  
qui Cælum, votis, meritis, iam dudum occupavit.

p. Segnes digitorum Romanorum Custodes DEOS ,  
q. ride Carthago ,

cùm in duobus annulorum modijs ,  
dignitatem equestrem taxas mensurâ .  
ô evanida inanum Deorum præsidia ,

r. quæ hominum sine suis non interfuere periculis!

n. Ridiculam à ligato DEO auxilij spem habetis ô Tyrij!  
cum aureis ad arcis custodiam Apollinem religatis catenis.

Qui cælum æquè ac terram implet,  
totus oculus, totus manus DEVS,

---

o. Seneca de benef. Lib. 5. cap. 16. p. In digitis deos gestabant  
Romani. Plinius in horol. Princip. pag. 80. q. Bello Punico, 2do  
post cladem Romanorum, modij duo annulorum Carthaginem missi, digni-  
tasq; equestris taxata mensurâ. Florus lib: 2do. cap. 6. r. Romano-  
rum tot de dijs spolia, quot de gentibus trophæa. Minutius in Horol:  
Principum. S. Curtius lib. 4.

NOSTRO



Nostro vbique Præfuli, imminens periculum,  
Vidit præfens, avertit potens.

t. Catilinaria in meliorem Patrem Patriæ odia,  
toties disparvère.

Manus internecino ligatas Sacramento,  
rupto dissipavit Numen viaculo;

Vt dum sunt singulæ,  
non auderent quod auderent omnes.

Periuri citra scelus,  
obstrictam feliciter Violârunt fidem,  
veræ assertore fidei relicto in integro.

Quia & ipse Iosaphat, insidiatorum illatus in conspectum,  
arma manibus,

odia excussit mentibus,  
vincente inermi clementiâ,

succumbente armatâ sævitiâ.

Nunc, si quando fides veteri abrogata est proverbio.

Nam ante credidimus.

Vnum nè Herculem quidem posse contra duos;  
Iam cernimus,

Nè duos Hercules quidem contra vnum Iosaphat,  
u. dum in protectione DEI cæli commorabitur.

---

t. De Catiline coniuratione in Patriam Cicero in Catilinarijs. u.  
Psalmo. 90.

A R.

# ARCHIEPISCOPUS POLOCENSIS CREATUR.



Quis magnū sumi non credat pōdus honoris,  
Quod ternæ possunt nō nisi ferre manus?  
Grandiūs auget onus sacræ Crux ipsa tiaræ,  
Non semel Herculeis crux metuēda viris:  
Est leue pōdus honor dignis, crux ipsa, volatur  
Inclyte te celeri Præsul in astra feret.

ELO.

# ELOGIVM. XXVII.

- Ad vocem Vaticanâ Petri è cymba sonantem,  
a. emeritæ dignitatis duc in altum Iosaphat.  
Omnium in te oculos, omnium in te animos,  
hos ad æmulationem, illos ad venerationem;  
Omnes ad magnæ virtutis amorem postquam traxisti:  
& humana, & ipsos rapuisti homines.
- b. Grandium igitur meritorum reus, aras apprehende maiores!  
Sed cum ad omnes honorum rumores,  
incredula sit animi tui moderatio;  
in ore trium testium stat & hoc verbum,  
Sacer Antistitem adest triumviratus,  
triplici trium flaminum flamine potens,  
Si vel totam spiret Photius, dissipabis Æoliam:  
Et triplici à Sacro ternione accepto,
- c. Spiritu labiorum tuorum, interficies impium.  
Sacra hæc tiaræ peripheria,  
tuæ virtutis ambit centrum,  
Rectum de uno capite sensum, in suo coronat domicilio,  
aut ipso æternitatis Symbolo circulo,

---

a. Duc in altum. Luce 5. b. Rei, olim arâ apprehensâ salvi manebant. c. Isaia 11. In ore duorum aut trium testium, stet omne verbum, Matt: 18.

consec-

consecrat ad æternitatem.

Passi pro homine DEI Signum desuper,  
vt Regum, ita Pontificum cruciarum dedit coronam,  
Si enim Regem, quid ni & Pontificem bonum,  
publicum dicam servum?

Si cæsar, multò ampliùs Pontifex,

d. ex quo orbi terrarum se dicavit,

sibi eripuit.

e. vt pote ex hominibus bono hominum assumptus :  
at, quàm gloriosum est per adversa ad usum secundorum venire?

f. Cui Saracenus Othomannicâ in porta imponit Cidarim,  
cùm careat anteambulone ad superos Cruce,  
respiciat inferos.

Te ò Neo-Pontifex,

cruce ad gloriam initiari non ambigimus.

Ab huius Signi ligno,  
regnabit & ipse DEVS.

Magis malorum impenditis,

magna bonorum parantur compendia

---

d. Cæsar ex quo orbi terrarum se dicavit, sibi eripuit. Seneca Consolat. ad Polybium cap. 26. e. omnis namq; Pontifex ex hominibus assumptus, pro hominibus constituitur. Ad Hebr. 5. f. Constantinopolitani Patriarchatus collator Turca.



# SUMMAM ANIMI MODERATIO- NEMIN MAGNIS SERVAT MAGISTRATIBVS.



Cælorum rhæus contendit ad alta superbus.  
Respicunt Patrium Lilia pulchra solum.  
Khamne sed elato tellurem vertice lambes.  
Lilia vester erit mensa vel ara locus.  
Nā tellus humiles extollit ad astra, superbos  
Desuper iratus fulminat ipse Polus.

ELO-

# ELOGIUM XXVIII.

g. Multi postquam fortunæ se permiserunt,  
dediticere naturam:  
cùm parem magnæ felicitati animum adferre non possent;  
sui impotes homines,  
ascenderunt vsque ad DEOS.  
Pudet orbem sui capitis Romæ,  
cuius rarus olim Princeps,  
qui non idem Deus.  
summus in summo Magistratu Iosaphat,  
noverat magni pectoris esse inter secunda moderationem,  
nunquam in solido stare superbam felicitatem,  
& ingentium Imperiorum magnas moles,  
oblivione humanæ collabi fragilitatis.  
Toto igitur humi serpebat fastigio.  
Luctatoriam oleo inunctus ad aream Præsul,  
primum magnorum culminum hostem factum, ut vinceret,  
nobilis pugil,  
inclinatione sui, singulare aggressus est certamen.  
h. Acolythusum sat benè cinctus comitatu vittutum,  
affectarum exclulit greges.

---

g. Charidamius Dario Persarum Regi dixit. Curtius Lib: 3. cap. 5.  
h. Acolythus ex vi vocis Græcæ, significat subsequentem.

Spectavit orbis nonnullos,

i. æqualitatis metu vsum pedum amisisse:

super ora & capita humana elatos,

bipedes, tumoris malo,

degenerâsse in apodes-

Præsul cùm præset omnibus,

LECTUM se meminerat ex omnibus;

hos inter gradiebatur vt æqualis:

imò nonnunquam plantarum officium genibus aggressus,

k. non quocunque alio tantum,

Sed & se minor ipso,

l. Nouus inter Præsules Locticus,

non naturæ parsimoniâ, sed virtutis apparuit imperio:

Citra arrogantiam liberalis,

pompam beneficijs detrahebat;

publicâ famâ rectefactorum tibicinae exclusâ,

omnia vni committebat dextræ,

m. nè quid sciret sinistra.

Ita periculossimam multis, fortunæ intemperantiam,

parco secundorum vſu exclusit,

tam securus à casu

quàm liber ab ambitu.

n. Imperium quippe ambientibus nihil medium inter summa & præcipitia.

---

i. Plinius in Panegyricis. k. Græce Ecclesiæ ritus est in Ecclesijs stando orare. l. Vladislavus Locticus Rex Polonorum ob staturam cubitalem sic dictus. m. Nesciat sinistra tua quid facit dextra. Math. 6. n. Taciti sententia.

DE MODICIS FACULTATIBVS LI-  
BENS EGENIS TRIBVIT.



Improbis infames mundus convertit in usus,  
Ampla metalliferi munera sæpe Tagi.  
Munitica miseris confert cùm munera dextrâ  
Iosaphat, exiguas quàm benè spargit opes,  
Grandia cōvivas numerant nã robora parcos,  
Humana gracilis carpitur uva manu.

ELO



# ELOGIUM XXIX.

- o. Cum Iano Iani dudum periêre Calenda ,  
     quibus  
 prior ipsis divitibus ad usum opum accedebat paupertas ,  
     quærebatur non qui daret Cresus ;  
     sed qui acciperet Irus :  
     quasi beneficus in dantem  
     accipiendo .  
 Iam pessimo boni publici veneno, suâ cuiq: cupiditate imperante  
     aut prodiguntur opes in vnum ,  
     aut conferuntur in nullum .  
 p. unius Vitellij gulæ, æeris undarumq; vastitate litatur ;  
     q. triticum ore tenax claudit Midas ,  
     iniquo iudice palato .  
     pretium grande exiguis ponente rebus ,  
     non urbium modò ex Catonis sententia ,  
 r. sed & hominum maturanatur fata .  
     vt pauperum se gerat Iosaphat Patrem ,  
 s. tollit penuriam pretiosæ cupiditatis Matrem ?  
     Inedia vivere solitam ,  
     cibo oblato enecat :

---

o. Lex veterum erat vt nemini fas esset publicè festum agere, nisi prius  
 sui vici pauperibus opulente prospexisset. Et hac beneficentiâ Ianum de-  
 um colebant. In horol. Princip. Lib. x. pag. 186. p. Vitellius cenâ  
 à fratribus exceptus est: in qua duo millia piscium, septem avium apposita  
 sunt. Massenius in Palestra styli. Lib: 4. cap. 37. q. Midas Puer tri-  
 ticum in os à formicis illatum fortiter tenuit. Guevarra in Horol. Prin-  
 cip. r. Cato censorinus, asseruit urbem illam salvam esse non posse, in  
 qua piscis maioris quam bos veniret. Massenius superius. s. Gregorius  
 Nazianzenus .

terum

rerum inopia ditescentem,

oportuna largitione redigit ad incitas.

t. Ottonem frugi hominem ipso licet asserente,  
nè crede posteritas:

u. laboratos auro ad pompam luxus dum apponit panes.  
in metallum vertit fruges.

suæ obsonator avaritiæ,

Non alienæ medicus famis.

An non frugi homo Iosaphat?

qui ipsum aurum vertit in fruges;

ille minimè de magao,

hic maximè beneficus de modico.

u. Divinæ planè æmulus beneficentiæ,  
multiplex & minutum in egentium deplevit sinus.

sint ex sapientis placito, cæteris,

divitiæ aut periculum aut onus:

Extra insidias Iosaphat aurum est,

cùm in manu reconditur pauperum.

In divitum thesauris grave tendit deorsum,

in pauperum manticis leve volat sursum;

dum largitorem inserit cælo.

Alieno eminet avaritia,

in sublime eluctatur beneficentia de suo.

---

t. Otto Cæsar dicebat aut frugi oportet esse hominem aut Cæsarem. u.  
idem panes auros suis apponebat convivis. Pater Canon in elogijs Lu-  
ceoriensi Episcopo scriptis. u. Apparuit in solitudine minutum, &  
quasi pilo tufum in similitudinem pruine super terram. Exodi 16. de  
inanna dicitur.

GRAVI

GRAVI FLAGELLATIONE SÆPIVS  
CORPV8 LACERAT.



Fortis in extremam tendit lucrator arenam,  
Frangat vt adversæ robur & arma manús:  
Aspera sed validus bellator Iosaphat arma  
Dum capis, his, ipsum te petis, atq; feris.  
Ingentis grandem mensuram cerno triūphi,  
Hostis nam tantus quantus es ipse cadit.

ELO:

# ELOGIUM. xxx.

a. Qui ter fortiter egerit, militia vacet:

Lex aiebat Romana.

Ne fatigatæ fors felicitati toties victor miles, molestus esset;  
aut ut tutius semel possideret in pace,  
quod ter pepererat in bello.

Vna enim est ad fortunam securitas, non toties eam experiri;

Vt condendæ ita servandæ fortunæ,

pâr Iosaphat,

Sæpius victor, sæpius in arenam descendit:

Vnâ grandem animum non implente victoriâ,

palmas palmis,

Lauros accumulavit lauris.

Hostem quæris?

b. cùm se ipsum sibi posuisset contrarium;

domesticus fuit:

Dominam servientium, servam dominantium carnem;

servilibus armis meliùs quàm nonnulli servos,

c. flagris & virgis aggressus est.

---

a. Seneca Lib. Controversiarum, Controversiâ 2. b. Quare me posuisti contrarium mihi. Iob. 7. c. Scitbe cùm Asiatico bello detenti servus domum redirent, velut advena à servis armatis, finibus prohibebantur, cùm variâ victoriâ pugnatum fuisset, ubi armis relictis, dominorû iure usi, virgâs & flagella in aciem protulerunt, quos ferro non vicerant, metu verberum servos vicerunt. Iustinus lib. 2do.

M

Ne



Nè deesset quem vinceret;  
 penitus cum posset, non deleuit hostem.  
 Pestifera vis est quæ valet ad nocendum;  
 grande licet crudele tamen facinus,  
 proprio vt servias honori,  
 alienæ dominari vitæ:  
 humanis è venis derivato sanguine,  
 in suæ decora laborare purpuræ.  
 Domi nato purpuratus decore refulsit Iosaphat,  
 cùm vno eodemque die ad maximi splendoris pompam,  
 d. induit dibapham:  
 suo bis tinctus sanguine.  
 Imò ardore pugnandi aperta respirante per vulnera,  
 novi facem belli nec ipse restinxit cruor;  
 vnius exitus pugnæ, initium fuit sequentis.  
 Io fortissime Athleta!  
 e. Nazarco olim robori terribilem hostem,  
 tecum circumducis in triumphum.  
 cùm fuso rubet à sanguine,  
 victum se erubescit.  
 cum pallet, vinci iterum metuit?  
 Triumphales victori nè desinat phonasci,  
 non levi pollice, sed integrâ tacti manu artuum nervi,  
 omni generis concentum edunt virtutis.

d. Dibapha bis tincta purpura ex Græco. e. de Samfone victo  
 suis cupiditatibus. Indic. 16.

DVM DE NOCTE ANTE IMAGINEM VIRGI-  
NIS SACRATISSIMÆ ORAT, LUCE ILLVSTRATVR  
SVRSVMQVE LEVATVR.



In Divum rutilos effundis Iosaphat ignes,  
Inter nocturnas inclyta Virgo preces.  
In tenebris lateat Lucis nẽ filius, orbem  
Hunc proprii ostendis luminis obsequio.  
O felix á Te meruit qui dicier hic est,  
Et demonstrari, pro digito, radiis.

# ELOGIUM. XXXI.

Glorietur Romanus in Regno suo solem oriri & occidere;  
f. dispergat cum sole manus.

g. Nos te ô Mulier amicta sole;

h. citra Persicam superstitionem,  
semper orientem,

nunquam adoramus occidentem.

ô Beatissimum illibatæ Lucis phænomenon;

i. ô sidus quod non obstantibus Antipodis,  
Vel in ipsa nocte Lucidissimum explicas diem.

En qui sagens tuæ Lucis pandis serenum;  
contra Astronomici morem solis,

k. qui crescentes decedens duplicat umbras;  
terræ propior, lucem geminas, pro umbra:

l. Yosaphat à tua claritate, transformante se in claritatem.

m. Ad relictas solem metas manu Violentiorē reducat Prophætæ:  
Suavia amoris vincula, relictas iterum te retrahunt ad terras:

Nazaretanum Polociæ reddis Horizontem.

sed en electricam novi sideris vim,

En Beatissimus terris eripitur Spectator,

n. Tales nimirum rapiuntur atomi.

---

f. Disperfit cum sole manus. Claudianus de Rom. Imperio scripsit. g. Apoc 12. h. solem orientem adorabant. i. Sol cum nobis occidit, oritur apud Antipodas. k. Virgilius. l. Transformatur à claritate in claritatem 2. Corinth. 3. m. 4. Reg. 20. n. Atomus indivisus ex Græco

qui

Qui toti affixi Polo;

nulla sui parte tenentur à solo?

o. Pater mi, Pater mi, currus Israël & auriga eius?  
siccine te igneus à tuis dividit currus?

p. At circulus hic flammeus, halo est, augur procellarum?  
Mæsto nonnunquam prælucent funeri ignis ætherci,

q. Hi Augusto, Seiano, Germanico,  
pro funereis fuère facibus.

Verum tu altior rebus humanis, hæc despicias vt infima?  
Nulla serenum vmbra turbat,

Vbi æqualiter fulget omne cæli latus.

Dedignantem interea terrena pupillam,  
Cæsarei comes spectaculi,  
Empyreo imple lumine.

r. Aram cæli erige,

Et dedicatam Pontificalibus ceremonijs,  
dic aram visionis magnæ.

Hoc quippe fidere, hac virgine,  
nec ipse inter homines maius videt DEVS.

---

o. 4. Regum. 2. p. Circa lunam lucis subobscura circulus, halo di-  
fusus, procellas portendit, Hortensius Pallavicinus in Elogijs. q. mortem  
prefatorum lux in ære visa anticipavit, Plinius natural: quest: lib. 1. cap.  
1. r. Augustus Imperator aram cæli erexit; idem in ære radijs solis circū-  
datam Virginem cum Puerulo vidit, Nicephorus Lib. 1. cap. 17.

HÆRE-



**HÆRETICA CALVINIANA AD SE ACCEDEN-  
TEM IOŒAPHAT CANIBVS IMMISSIS ARCET.**

*Sed blandos expertus canes Iosaphat, Matrōna conversā  
Catholica moritur.*



**Se medijs diri rapientem ē faucibus Orci  
Iosaphat, insipiens temnit & arcet ovis.  
Norunt Pastorem blādi sine voce molossi,  
Nec Dominæ servant improba iussa suæ.  
Hæreseos rabidæ faciunt hoc pocula Circes,  
Plūs homine ut sapiat desipiente canis.**

**ELO.**

# ELOGIUM XXXII.

In rebus humanis sæcula & personæ intereunt,

Causæ & eventa eadem recurrunt.

Iterum bella belluis geruntur,

s. Non Pænorum Elephantis,

t. sed Castabalesium primam aciem obtinent canes.

Ad regnum erroris tuendum,

t. ab ipso Garamantum Rege petitur militia.

Heu quàm segne in commoda,

impigrit in sua damna genus hominum!

A limine salus arcetur,

& tam peregrè in proprium laboratur exitium,

suo malè tuti cum anser Hufitæ,

u. Venerabile Canisij nomen,

probroso olim canum lacerarunt in vocabulo,

a. Parum fidos quondam Romanis canes,

contra amicum Romanis Iosaphat, armat Calvinus:

Dux fæmina facti.

Ita superis placitum est,

Vt ad clementiæ quæ inter pacificos latet commendationem.

clementissimus Pastor. hanc incideret in Rixam.

---

s. Peni adversus Romanos Elephantis pugnabant. Florus de bello Punico Lib. 2 cap. 2. t. Castabaleses canibus in bello productis primas acies instruebant. Garamantum Regem ducenti canes ab exilio reduxerunt, præliati adversus resistentes. Solinus in Polyhistor cap. 20. u. Patri Petro Canisio in Germania Hæreticos insectanti, Hufitæ, ab Hus scilicet anser Bohemicè dicti, occinebant. Hinc procul este canes, pro nobis excubat anser. a. Invadentibus Gallis capitolium, Romæ, canes siverunt, ab Anseribus Galli proditi. Livius lib. 5. cap. 47.

in qua

in qua,  
 morbus corporis, in ægritudinem degeneraverat mentis;  
 Phrenesis quippe malè valentis animæ est,  
 suam amantem salutem odisse.  
 At Iosaphat, humanas iras,  
 Divinis extinxit amoribus.  
 b. Rixam, in aliam planè vertit Dobrogniewam;  
 cùm quod ante malè amaverat,  
 benè incepit odisse.  
 Iurata eiurati hostis Calvini,  
 ut omnium operum quæ egit, hoc esset summum,  
 fuit extremum.  
 Nè posthac ampliùs quidquam ageret,  
 egit animam.  
 Fortunata, cui ad umbras migranti,  
 Iosaphat adfuit Phosphorus.  
 In longam concludens lumina noctem,  
 dum non vidit, credidit.  
 Ipso quippe aurium ministerio contenta fides,  
 excludit oculos.  
 Illius nemo capacior,  
 quàm qui minimè oculatus.

---

b. Rixa Casimiri Polonie Regis Mater, Dobrogniewa, Vernaculâ lin-  
 guâ, benè irascentem significans, eiusdem consors. P. Ines Lechiados  
 Parte 2. pag. 121.

Fru-

FRUCTVM SINGVLAREM EX ADVERSIS  
PERCIPIT.



Noxia proficuum præbent aconita medelam;  
Multa venenato prodit ab angue salus.  
Ex ipsis Præsul sumit sic commoda damnis,  
Illi mella parit fæt, amaror amor -  
Ergo mali totus terrarum losaphat orbis  
Nil feret, illius sunt bona quando mala.

---

*Inventus est lapis quidam à Brachmanibus: partim naturalis in serpente  
concretus, quem Lusitani serpentem pilosum vocant, partim ex varijs Vene-  
nosorum animalium potissimum huius serpentis portionibus confectus,  
intoxicatis præsentissimè præstat antidotum. Pater Athanasius Kircherus  
in China illustrata, num. 80.*

N

ELO



# ELOGIUM XXXIII.

Fertilis adverforum tibi semper evoluitur autumnus  
ô Iosaphat †

c. Vbique in mala incidis Punica.

Hæc in auge planè positi furoris æstus maturat,  
vt ipsa horum te saturitate interimat.

At bonam indolem nec ipsa malè nutriunt acomita;

Virulento ærumnarum veneno epoto,

d. plùs Mithridate proficis.

Ipsa detrimenta vertis in lucra,

odia accipis,

amores reddis.

vt iam dubium sit,

qui amari à te velit

odisse ne te, an amare debeat.

Cum ~~suavitate~~ beneficis in maleficos,

vitam eripere satagentibus brevem,

Vitam offers perennem,

Linguarum maledicta,

oris, & Pontificiæ manûs soluis benedictionibus?

Quod si magnum exemplum non nisi mala iuvenit fortuna:

---

e. Persecutio à Grecis Disunitis innuitur. d. Mithridates veneno  
lentè sepiùs sumpto: nullo post qd si sumeret metuebat venena. Curtius.

Dum experitur ignem in Mutio,  
 paupertatem in Fabricio,  
 venenum in Socrate, e.  
 quantus sis & quantum possis,  
 Victrix tot adversorum prodit tolerantia:  
 Ut iam non solius urbis Romana, f.  
 sed & Tua magnitudo calamitatibus approbetur.  
 Rex gemmarum adamas,  
 ideo illustrior, quia infractior.  
 Princeps lapidum purpuratus corallium,  
 non rubet nisi auram passus,  
 omne decus quod habet,  
 illi debet a quo patitur.  
 Plane & Tibi,  
 maiores iniuriæ maiori locum faciunt fortunæ:  
 Reposuerit hucusq; mundus,  
 omnem in prosperis beatitatem;  
 Sed bene, malæ fidei refutas possessorem,  
 dum novæ in orbe fortunæ Protoplastes.  
 in calamitatibus felicitatem,  
 in adversis reperis prosperitatem.

---

a. De Mutio in vrenda manu imperterrita, de Fabricio, qui fictilia suo  
 vazo samnitico preponbat. Florus. de Socrate, hauriendo veneno hi-  
 lito. Plinius. f. urbis Romane magnitudo calamitatibus fere appro-  
 batur. Florus.

VITEBSCUM ITER INSTITUENS,  
TVMBAM SECVM DEFERT.



Vltima mortalis feriunt quem fata diei,  
Atque parit crebros trux Libitina metus.  
Obiecta meditæ Mortis imagine, morti,  
Vivet idices absque pavore dies.  
Noxia mortis ræ linquet mors tela pharetræ,  
Ne iaculo vram se petat ipsa suo.

ELO.

# ELOGIUM XXXIV.

Plerique inter mortis metum & vitæ tormenta miseri fluctuant,  
 & vivere nolunt,  
 & mori nesciunt.

g. Sepulchrum vt humanæ superbiæ metuunt Basiliscum.

Sepulchralis spectator vixit Iosaphat,  
 mortem vbi reddit sibi familiarem,  
 eam non metuit vt hostem,

sed & si vltimo acrior insurgat in agone,  
 futuras meditantem iam diu pugnas,  
 benè paratum incidet in Athletam.

Res quippe præliorum optimè disponuntur;

h. Vbi in pace tractantur.

i. Non rectè Chrysippus.

pulchra ædificia immortales animorum nobilium dixit præcones.

Quæ Regum pergama populator ignis vertit in busta,  
 Leuia ventorum ludibria.

Sacro occidente oraculo,

k. memor. vestra comparabitur cineri.

Maternis terræ iu. cœcibus custodiendum,

an non melius Iosaphat condidit monumentum.

l. Thebanæ cum virtute legis violator,

g. Basiliscus intuitu occidere dicitur. h. Casiodorus. i. Clara &  
 splendida ædificia, nihil aliud sunt quàm immortales animorum nobilium  
 præcones, Chrysippus in Horol. Princ. Lib. 1. cap. 40. k. Iob. 13.  
 l. Apud Thebanos nulli fas erat edificare domum, antequam sibi prius se-  
 pulchrum construeret. in Horol. Princ. Lib. 1. cap. 41.

condi.



condidit sepulchrum ;

- m. non ante sed post structam Domum, non manu factam :  
operis Magistro DEO, opifice bona Voluntate .
- n. Ad infamē vivi Pacuvij sepulturā BEBIOKE occidant phonsæci,  
ô meram mero viventis hominis mortem non vitam ;  
morituro in vitam Iosaphat ,  
pulchrum vixit tacitum ingeminat sepulchrum,  
Qui omnia Vivendi tempora,  
non longiore sed meliore implevit vitâ ,  
Citra piaculum mortem ambit,  
imminentis præscius pugna.
- o. Lacedæmonio robore, non vitam cogitat sed sepulturam ;  
diem præstolatur extremum,  
Ut melioris vitæ primum .  
Moriantur ceteri & non victuri,  
qui vivunt, ut non morituri :  
Iosaphat morietur perenniter vitæ .  
qui vixit semper, ut breviter moriturus .

---

m. 2. Corint. cap. 5. n. Pacurio syria Domino dum à cena remu-  
lentus ferretur, occinebatur BEBIOKE vixit Seneca Epist. 12. lib. 1.  
ad Lucilium. o. Lacedæmonij, Tyrthei vatis carmine incitati contra  
Athenienses pugnaturi, tesseras manibus alligavunt, ex quibus post mortē  
dignoscerentur. Iustinus lib. 3. pag. 44.

SVIS

SUIS ANIMOSUS OBVIAT  
INTERFECTORIBVS.



Impavidus rabidos agnus venit ante Leones,  
Atque subit posito certa pericla metu.  
Dat virtus animos, diri nil curat Averni  
Mōstra, nec infensi Schismatis arma pavet.  
Victima Schismaticū placabit an ista furorē?  
Post Agnum, num plūs hunc, furor esuriet.

ELO.

# ELOGIUM XXXV.

Avidam periculi virtutem, quæquò tendat,  
non quid passura sit cogitat,  
aspice spectator.

Armatorum, inermis,

Vnus multorum in conspectum venit Iosaphat?

**P.** Nil est millenis tergum maris cernere sub pedibus,  
nil integra copijs propinare flumina,  
si primus sis in fuga, postremus in pugna.

Stipator fidus cordis pavor,

sexcentos inter præsidarios servatur non pellitur?

Virum agnosce,

qui solus venit ad pericula:

cui tam turpe est ab hoste precari mortem quam vitam.

Quod cæteri fugiunt,

ille obuius sponte sit Leto:

in ipso minime infelix infortunio,

quia sic impavidus.

Dura quippe inter pavidos alitur fortuna, cedendo,  
gliscunt adversa metu.

Mors propè mortalibus casus est:

hanc ut indeclinabilem pauci expectant avidi,

---

*P. Xerxes quadam maria pontibus sternebat septingentorum millium  
Persarum & ducentorum auxiliariorum ductor, flumina ipsa ad exercitus  
indigentiam exsiccat, primus in fuga postremus in prælio. Iustinus  
lib. 2. pag. 30.*

omnes

omnes horrent trepidi;

Ex destinato vivere assuetus Iosaphat,

casum & fortunam in consilium non admittit;

Vitam offert non eripiendam, sed à sponte offerente aufereendam.

Nihil enim capitur nisi retinenti.

Ad suspicionem vulceris tyro pallefcit:

audacter cruorem suum Iosaphat cernet,

præscius, victoriam fortibus evenire, etiam post sanguinem

Quod si illud solum bonum est,

ad cuius amissionem præparatus est animus;

Vitam amissam non numerabit inter damna,

qui ipsam mortem reponit inter lucra,

Viator olim in orbe Deus, animam positurus pro vitione,

q. (nam ut utraque faceret vnum)

nefarios obuius excepit sicarios:

Facit secundum exemplar in horto monstratum Iosaphat

Obuiat moriturus pro vitione.

Quàm verè sui premit vestigia Magistri,

tam piè vivens, quàm fortiter occumbens.

---

q. Qui fecit utraque unum, Ephes: 2.



GRAVI VVLNERE IN GAPITE ACCEPTO  
DIE DOMINICA ANTE LVCEM OCCVMBIT MARTYR.



Funereā plantare cupit dū Schisma cupressū,  
In secto Divi vertice Pontificis.  
Assurgit victrix pro tristi palma cupresso,  
Atq; triumphales spargit utrinq; comas.  
Vnica Martyrij namq; est victoria, vinci,  
Et sunt ipsa salus vulnera, vita, mori.

ELO.

# ELOGIUM XXXVI.

Huc, & non aliò Vultus ictu venire debuit á Schismatico  
caput Schisma dividit,  
caput petit;

Cæterùm acatholico sensu,  
nunc crudeli manu :

Vt iam ipsis fides pateat ex operibus.

Malè se agere, ipso lucis odio probat impietas:  
nam scelus ante lucem aggreditur.

Sed nullæ malefactoribus illuces sunt noctes.

En quí in alto Præfulei capitis cælo, patet crudelitas;  
& hiaute latè vulnere, velut ore,  
innoxius clamat sanguis.

r. Vtinam novæ Bellonæ Sacerdotes,  
suo crudelitati litâssent cruore,

Verum quí hominí Romano hostilitatem iurârunt.

s. altero ab Amilcare, Photio, aris admoti Pæni,

t. alienum sanguinem pro formoso habent spectaculo.  
interea de tuo non de alieno purpurate Præsul,  
nil Sidonijs. aut Tyrijs debes fucis:  
sume purpuram.

---

r. Bellonæ Sacerdotes suo cruore sacrificabant. Lactantius. s. Amilcar Pater, Annibalem Filium adhuc duodennem aris admovit, ut hostilitatem hominí Romano iuraret. Livius. t. Annibal fossam humano sanguine plenam cum vidisset, exclamavit, ó formosum spectaculum! Seneca de Ira lib. 2. cap. 5.

à Vertice defluentem vsque ad calcom.

0. Superbissimus quondam plantarum frutex,  
a. in vertice Nazarei regnavit; non sine Sanguine:  
à pedestribus insidijs ad caput Altissimi eluctatus,  
probavit;

asperius nihil esse humili, quàm cùm confurgit in altum;  
Ex imis terræ cavernis erutum ferrum,  
armatâ non sine manu, hem crudele in capite occupat regnum,  
tuo tamen militat honori:

- Nam cruento hoc à pondere prolapsus,  
ad quantam Martyr gloriæ assurgis sublimitatem.  
b. Quidni iâ clavigero illi, pro quo dimicas vsq; ad sâgvinae clames,  
aperi mihi:

c. cāput meum plenum est rore,  
& cincinnati mei guttis noctium.

Septimo iam hoc die ab opere requiesce:  
omnem actionem felici conclude passione.  
Nam & ipse,

- d. requievit die septimo, ab omni opere quod patraverat,  
D E V S.

---

a. De Rhamno Rege arborum Iudic. 9. a. de spinea Christi coronatio-  
ne Marci 15. b. Iosaphat pro primatu Petri mors. c. Cautc. 5.  
d. Genesis 2.

CRU-

# CRUDELI DIU TRACTATUR MANV.



Corpora magnanimo satis est prostrâsse Leo-  
Efferâ scit certum Tygridis ira modū. ni,  
Terminus humanas nullus complectitur iras,  
Hic modus est illis namq; carere modo.  
Ergo feras adeat plebes male sana Magistras.  
Mitior vt sit homo, bellua fiat homo.

ELO.



# ELOGIUM XXXVII.

Magnum in insomnes crudelitas teneret imperium.  
si homo tam tardè moreretur, quàm serò nascitur.

Non in alto latet spiritus,  
nec ferro eruendus est.

Sed auida sanguinis innoxij impietas,  
agendorum omnium metam,

nam ultimam rerum lineam prætergreditur:  
cum belluarum ritu, ultra ipsam sævit mortem.

e. Non humanum imitantis sanguinem uvæ color Elephanto;  
sed ipse cruor ad nova prælia has animat belluas.

Mortuum non credunt sicarij,  
quem vivere cuperent,  
ut iterum moreretur.

Exegit ab omni membro tributum avara crudelitas,  
nulli aut sanguinem condonavit aut integritatem.

f. In numerato apud ipsum DEVM habiti capilli,  
velluntur sine numero.

Defæcata ad maturitatem ætatis insignibus, creptis sævitia,  
profectum annis Præfulem,  
ad novas facit injurias reiuvenescere.

---

e. Elephantis ostenderunt sanguinem uræ & mori ad acuendos eos  
in prælium 1. Mach: 6. f. sed & capilli capitis vestri numerati  
sunt Luce. 12.


- Vigilem boni Pastoris pugnis obnubunt pupillam,  
 ut confidentius in dispersum domesticorum se viatur gregem,  
 pro quo gravis petulci gregis ascendit levitas,  
 cum simulachrum virtutis,  
 formam sanctitatis,  
 vultum involavit in Martyris.  
 Calcibus impetitus,  
 g. hos insons Hyppolitus per sonipedes,  
 ad invia & devia raptatus est.  
 Schismate, Phædræ,  
 monstrosâ crudelitate Phocæ maris suppleto.  
 Ferax Furiarum Vitepsum  
 h. Tor Megeras tot Tisiphones multiplicat,  
 ad alienæ exercitium tolerantia,  
 propriæ specimen sævitæ.  
 Ad exsaturanda in Iosaphat diu nutrita odia,  
 nulli, nec antelucano parcitur labori.  
 i. Tentatus nimirum per omnia dolorum discrimina Pontifex,  
 nè aliquid non tolerasse videretur,  
 ab omni ætate & sexu passus est.

---

g. Hyppolitus Thesei Filius ob castimoniâ Phædræ novercæ insidijs petitus  
 est, nam Egeus è matre Phocam misit, quo monstro territi equi, currum ra-  
 puerunt, Hyppolitumq; discerpserunt. Servius. h. Furia Tres à Poëtis  
 finguntur Alceto Tisiphone, Megera. i. Habentes Pontificem tentatū  
 per omnia. Hebr. 4.

ADDITO

ADDITO S A X O R V M P O N D E R E  
IN DIVINA FLUMINE REMERGITVR.



58

Omnia sunt sceleris testes elementa, patrātū  
Amplius haud poteris Schilma negare nefas.  
Terra tulit cædem. cælum spectavit, at æther:  
Audivit validos te feriente sonos.  
Excipit vnda sacros merſi dum Præſulis art9.  
Eſt liquidus noxæ teſtis & illa ruæ.

*È ſtato donato a me Don Michele Gervinoſi Canonico Regio-  
le Lombarde del Duſ Cano e Della ſac. Teſſigra Dottore  
Proſeſſore in Caſimira oppo. Cua.*

ELO.

# ELOGIUM XXXVIII.

Grandem grandium esse ruinam ut credas,  
Pontificæ probat cladis magnitudo.

En quæ terras excedit,  
dum ipsas pertingit ad aquas.

k. Quam non struxisset Pyram impietas,  
nisi illustrati timuisset in flamma:

l. aut cui Haceldamæ sacrum non mandasset corpus.

Si tantum in terra Sancta peregisset nefas.

Sed placuit Schismatis ingenium sequi,

& caput orthodoxi cætus, à corpore,

toto interposito dividere elemento.

Ô te beatum Dunam!

Tyberina vnius familiæ gaze, grandem licet assurgat in insulam,

tuam non æquabit fortunam,

m, Iustorum Tyberis odiorum in hominem.

Tu bonorum in Deum amorum possides monumentum.

n. Hoc huc ad hunc Eridanum Orthodoxæ Heliades,

vbi non fabulosi solis, sed veræ lucis Filius,

fulmineo concidit à furore.

Electricos lacrymarum imbres, pijs litate manibus.

k. Mos erat apud antiquos cremare mortuorum corpora. l. Haceldamasth intra horas 24. cadaver absumit. In Peregr. Hieros. Radivilij pagina 24. m. Insula in Tyberi assurrexit, ex projectis Tarquiniorum in flumen be- n. Eridanus Solis nis. Masceinus in Palestra styli Lib: 4. cap: 25. n. Eridanus Solis filius fulminatus in Italia fluvium cecidit, & fluvio nomen dedit: hunc Heliades sorores ploravere electricis Lacrymis.

P,

Pretiosa



Pretiosa in conspectu Domini morti tales debentur lacrymae,  
Præfica publici luctûs Voces, hanc intonent nœniam:  
à facie iniquitatis sublatus est iustus,  
& erit in pace locus eius.

Benigniores quippè experietur aquas quàm homines  
Quâ in oculis impiorum caruit pace,  
ea in imò fluminis perfructur sinu.

n. Non parco vactus pollice, Christus Domini,  
oleo rem omnium savissimam, mare, tranquillante;  
& Dunæ in malaciam componet fluctus.

Bina quicunq; cogitas saxa;  
dic peractæ ad omnem crudelitatis regulam cordis,  
bina appendices:

nisi Ultimos ad extrema progressæ audaciæ vocare malis lapides,  
sed moveat sanè non hos paucos,  
sed & omnem lapidem impietas:  
suo tantum pondus addet sceleri:

Martyris properantis ad palmam non impediet iter.  
Congesta namq; in Martyrum supplicijs onera,  
tortores deprimunt ad ima  
torros elevant ad summa.

---

• Oleo in mare fuso, fluctus maris ad tranquillitatem componi scribit  
Plinius lib. 2. cap. 13.

Pro-

PRODIGIO NON VNO PROXIME  
A MORTE ILLUSTRATVR,



Qualis post noctis densas aurora tenebras,  
Sidereo rutilum fundit ab axe iubar.  
Tristia Dive Tuæ talis post funera vitæ,  
Multiplicis fulges Lumine prodigii.  
Felix cui ipsæ Lumen tribuere tenebræ,  
Cum cadis & moreris, clarior exoreris.

P<sub>2</sub>

ELO.

# ELOGIVM XXXIX.

Iam patricidale odium portum attigit,  
Cùm Dunæ stetit in littore.

Extinctum penitus ceasuit Iosaphat,  
postquam toto obruit flumine.

Sed qui superstes orbem virtute illustravit sua;  
post fata virtute clarior refulsit Divina.

o. Velatus nubium spatio cæli oculus,

p. etiam malis negari non solitam, negando lucem;

Sacrilegos interfectores ipsis malis notavit peiores;

q. & qui frateruâ Thyestis & Atrei odia fugit in fabula,

Parricidij scelus ne cerneret,

obscuratus apparuit in historia,

Cogant ad funebrem naniam posthumos,

r. nonnulli cum Herode ferro,

s. pherique auro;

Cæli Iosaphat lugendus est seu exemplo, seu imperio,

Ad cuius luctum compolito ad squalorem invitat colore.

t. Tenebrarum exteriorum supplicia,

u. terroribus Domini contra se militanribus,

iam prælibant in horrore tenebrarum Filij.

suum vnicuiq; theatrum ut sceleris ita virtutis conscientias;

improbis vltices exhibet furias.

*o. Post Mortem sol obscuratus. p. Qui solem suum oriri facit super bonos & malos, Math: 5. q. Atreum fabulantur Poëta filios Fratri Thyestis coxisse, quod scelus addunt Solem noluisse spectare. r. Herodes, ut funeri suæ illachrymantes haberet, moriens supplicia Iudeis extrema decrevit. B. verius A. 7. s. Præfice erant apud veteres, que mercede cunducebatur, ut in alienis funeribus lacrimarentur. varrho t. Eijcientur in tenebras ex-  
teriores. Math: 2. n. Terrores Domini militent contra me Job. 6.*

bonis palmas præfert & lauros.  
Militant quandoque contra fontes,

- a. Angeli armis,
- b. ær avibus,
- c. vnda piscibus :

& ante dictam causam,

accusator, Iudex, Supplicium, ipsum rei sit delictum

d. Rumpit sacæ seræ repagula calix,  
maiori hostia iam litatâ cælo, sacrificium peractum.

Pedo sursum indicat verso :

aut sacrum labijs in terra lambit sanguinem :

& infantis Agni dedicatum sanguine,  
innocentis Martyris cruori offert conditorium.

- c. Lucæ officium cum sit rapinas prodere :
- index è siderum domo columna,  
creptum terris per aquas indicat Iosaphat.  
In cassum iam peieratis homicidæ :

nescire vos Iosaphat sepultum,  
quem nolulistis vivum :

Terminalem hanc columnam vestris astra ponunt mendacijs.  
hoc in fundo latet veritas,

a. S. Venceslaus contra Ducem Curmensem procedenti, bastâ Angelus visus est porrigere. In eius vita. b. Ibici cadem grues prodidere. nam moriens sicarij, minatus est, grues fore testes mortis sue : quos cum prætervolantes homicida in medio populi viderunt, & Ibici testes aves vocaverunt, proditi sunt c. Theodoricus Simache interfecto ad mensam accesserat, in qua cum piscis Lucij caput inferretur, clamans Theodoricus, Ecce Simachæ caput, ecce Simachi caput, ad conclavæ tremens & mestus fugit : Baronius, A 526. d. Scrinium in quo sacæ calix, cum alia ad sacrificandû supellestiliæ asservabatur nullâ vi reserari poterat : at postquâ ad locum sanguine Martyria conspersum ventum est, cista è manibus erupit, sponte patuit, & calix exiliens locum sanguinis labijs texit, pede sursum verso.

e. negantibus locum demersi Iosaphat homicidæ, columna iq dēre lucidissima demonstravit.



quæ in ore Pontificis nunquam obscura.

& nunc est in liquido.

**f.** In Britannici metalli naturam transisse plane credo Iosaphat,  
ipsis ardet in aquis:

**g.** quando vibrato per vndas prodit se luminæ.

**h.** Glacialem fluvius non admittit pontem,  
nec caput Orthodoxi cætus transeuntium sit sub pedibus;  
nisi fors clementiæ optimi Præsulis tribuas,  
quod præsens vetuerit tergum fluminis pulsari,  
ferro, calcibus, vngulis.

**i.** Salve itaque citra fabulam ablutum in aquis sidus:

**k.** ascendis & Tu super occasum:

nam hic vbi occideras,

**l.** formosior è tuæ Lucis thalamo progredieris ut sponsus,  
siderum naturam imitatus,  
non lucet, nisi ut prosis.

**m.** En qui cæli non viderat lumen, videt tuum.

**n.** ipsos Clinicos ut leves è lectulis trahis atomos,  
Tui veneratione incalescentium calor animum,

**o.** æstum fugat febrilem,

Ad gloriæ tuæ serenum.

---

**f.** In Britannia, Gagates nigrogemmeus ardet in aqua, oleo restringitur.  
**Solinus in polihist: cap. 15. g.** Radius ex aquis promicans, vbi quærit,  
dum esset corpus sacrum monstravit. **h.** observatum est, præter morem:  
**Dunam non fuisse congelatum, ante repertum corpus Martyris i.** solem in  
mari lotum clariorem prodire fingunt Poëta. **k** qui ascendit supra occa-  
sum. **Psal: 67. l.** Tanquam sponsus procedens de thalamo suo. **Psal: 18.**  
**m.** Cecus illuminatur cilicio Martyris oculis appposito. **n.** Immedicabi-  
lis manuum morbus, infirmâ accurrete ad tangendū saxum, quod collo Mar-  
tyris erat appensum sanatur. **o.** vino quod reliquias Divi Martyris re-  
pigerat, hausto, gravissima febris laborans convalescit.

p. vel ab ipsis spectatores evocas umbris,  
fatorum necessitati ereptos.

q. Iam & Schismati caput Ecclesiæ apparet unum,  
r. cui ad ambiguum Saracenæ Lunæ lumen  
capita visa sunt fuisse duo.

s. Nefariè extensas ad tua damna manus & pedes,  
Divina in nodum contrahit Nemesis.

Ita nimirum, insontum pro Deo interfectores,  
suæ infelicitatis artifices,  
nostræ sunt fabri fortunæ.

Dum pænas luunt, quas meruerunt,  
nos lætamur Martyribus, quos ipsi fecerunt!

Et ut Petrum & Paulum Romæ,  
Stephanum Hierosolymæ,  
ita Iosaphat Ecclesia debet Vitebsco,

Romæ Gentilibus,  
Hierosolymæ Iudæis,  
Vitebsi Schismaticis:

Eâdem manu in suum supplicium,  
quâ in nostram laborantibus felicitatem.

---

p. Domestici Iosaphat, gravissimè vulnerati & à medicis derelicti, in vo-  
cato Divo Martyre, repente convalescunt. q. Schismatici, à morte Io-  
saphat nonnulli convertuntur. r. Schismatici aliud Constantinopoli sub Tur-  
ca Ecclesiæ caput credunt. s. Femine, quæ præter ceteras, acrius in Io-  
saphat deserviebat, genua usq; ad labia attracta sunt, nec poterant dum viva-  
ret medicinis ullis, & ubi mortua est, ullâvi avelli.

VIN-

VINDEX SCELERIS ET MORTIS DE-  
STINATUR ILLUSTRISSIMVS DOMINVS  
LEO SAPIEHA PALATINVS VILNENSIS.



Huc huc auspicijs prospera Leo magne secūdis  
Sacrilegum ludex opprime iuste scelus.  
Te Princeps populusq; legit, nā teq; tuoq;  
Quis telo vindex aptior esse potest?  
Gentilem iaculi damnat crux bina furorem,  
Fert Leo terrorem, vulnera cuspis habet.

ELO-

# ELOGIUM XL:

Sacrilegio, digno quod Orbis viribus expiaretur,  
quis aptior vindex quam Leo?

Robore, consilio, Virtute,

par sui nominis magnitudinis heros;

a. multiplicem hydram in venenata tor caputū coniuratione,  
ferro domare gnarū & igni.

Phrenetica consilia cum maleficanis capitibus,  
suo merget in sanguine.

Sentient conscij Pontificiæ cadis Cives;

u. omnem impietatem Perilli taurum esse:

Et ut authorem torqueat.

ipsum scelus migrare in pœnam.

Gentilitij teli cuspide, dum feriet sacrilegos;

Vulnus orthodoxæ fidei in flictum,

salutari crucis sanabit signo.

Insignibus DEI conspectis

a. novi Phocenses nequicquam fugitis:

alatus ultor ubiqve consequetur,

Vaserrimos bipedum,

b. Divisum caput, magis quàm Isidem pes, prodet in fuga. c.

i. De hydra Lerneæ, multorum caputū ab Hercule ferro & igne interem-  
ptâ notum est. u. Perillus Atheniensis ut Phalaridi placeret, torquendis  
hominibus, taurum eueum fabricavit: è quo vox tanquam mugitus prodi-  
res pro mercede eidem tauro inclusus est & flammis exustus. a. Pro Apol-  
line contra Phocenses, qui templum eius Delphis occupaverant, bellaturus  
Philippus Macedo, omnes milites coronas læneas sumere iubet. Phocenses  
insignibus Dei conspectis armis abiectis fugam capessiverunt. Iustinus lib.  
8. pag. 8. b. Io seu Isis, Filia Inachi Regis Argivorum, à Iunone in  
vaccam mutata, dum fugeret, vestigio pedis terre impresso circulum o. &  
divisa ungula: i. exprimebat, sicq. se ipsam prodebat ita Pœte: c. Schi,  
sma duo capita dicit Ecclesiæ.



terga vertitis ?

Rea ad ictum offerte pectora :

Malè sibi promissi elapsus Prophætis,

d. Leo occurret in via,

DEI & cæli hostibus formidabilis.

e. Byssò & purpura obvolutâ occurrant Lyfimachi dextrâ,  
disertam pro Superis non stringent Leonis linguam:

Alij ad moram itineris aurum iaciant;

f. Vagarico in Litvania prodigio,  
aurum despiciet vt lapides.

Dives domesticis fortunis Sapichana oneraria,

g. aureas non metuit remoras.

Exiguum magno sceleri nè sit supplicium:

ultra omnes plectemini terras.

Ipso Dunâ reorum tincto sanguine,  
ad sceleris expiationem,

Feracibus monstrorum vndis.

& hoc impietatis accedet portentum.

vt tanto tellus purgetur à contagio;

vindice Leone,

dum vivitis, ubique pœnas luetis sacrilegi:

vt si quando, nunc certè,

sæcula discant;

h. indomitum nihil esse pio, tutumque nocenti.

d. Invenit eum Leo in via. 3. Reg: 13. e. alluditur ad Largitiones. Alexander magnus Lyfimachum Macedonem cum Leoni discerpendum ob-  
iecisset. Leoq; impetum fecisset. Lyfimachus amiculo involutam manum, in  
os Leonis immergit, arreptâq; linguâ feram exanimavit. Iustin: lib. 16. n. 149.  
f. Cum militem S. Ladislai, vngarie Regis persequentem barbaros,  
proiecti aurei in via remoraretur pius Rex precibus ad Deum fufis, aureos  
vertit in lapillos. In vita illius. g. Remora piscis in mari, vbi se navibus  
applicuerit, eas detinere in capto itinere scribitur. b. Clandianus.

AD B. IOSAPHAT  
ARCHIEPISCOPUM  
POLOCENSEM MARTYREM:  
PRO LIBELLO, HONORI EIUS SA-  
CRO, ET PRO ILLVSTRISSIMÆ  
DOMUS SAPIEHANÆ  
PERENNI FELICITATE  
ODE.

Et iam faventûm non sine Numine  
Divum, recuruis anchora dentibus  
Littus momordit. Ceu relikti  
Remigium vaga Regna Ponti  
Fastidit; ipsi cûm propior salo  
Tellus, quieto risit in otio,  
Scenam repandi lætorem  
Exhibuit nemus, & theatri?

Q2

Po-

Postrema tandem sic vbi linea  
Venit labori Symbolico, iuvat  
Lauro fatigatam Virenti  
Cum calamo redimire dextram.

Quidquid uirili robore, & arduo  
Tentauit ausu, Iosaphat inclytum

Lumen tiaræ, candidati  
Eximium iubar & senatus,

Illiterato sera silentio

Nè sæcla possent stringere, testibus

Signata chartis, hæc locavi  
Præsuleæ monumenta famæ.

O qui Volatu præpete desides

Emensus oras terrigenum, Polo

Sublimis alto, fulguranti

Regna super populosque curru

Ferris, serenæ sidere purpuræ

Non indecorus Martyr, & aureo

Perfulus almæ lucis imbri

Empyreos imitaris ignes:

Aurem Minervæ da facilem, Venit

Ex ante cultis quæ tibi sedibus,

Totique voces vulgat orbi

Præsulei famulas honoris.

Quin

Quin & Polonis grande trionibus  
Nomen, Sapientias, belligeri decus  
Mavortis Heroas, Polorum  
De supera speculatus arce,  
Muni Patronæ præsidio manus:  
Lunæ superbum seu Mareoticæ  
Cornu refringunt, seu cruenti  
Littora depopulantur Istri:  
Seu Tauricano sanguine lividos,  
Enses, potentis robore dexteræ,  
Vibrant Gelonorum per omnes  
Impavidi volitare turmas:  
Formidolosos hostis acinaces,  
Aut ingruentûm fulmina glandium,  
Nimbosque telorum proteruos  
Laurigeram temerare frontem  
Veta. Pudendo Thracius impetu  
Ruat Gradivus donec, & obviis  
Fugatus armis, vulcerato  
Antecat sua signa tergo.  
Seri perennent, quævis Violabili  
Exempta Leto gloria, segreges  
Metatur annos: dum futuris  
Facta notat memoranda sæclis.

Tum



**Tum Martyr aram Dive tuam prope,  
Illustriori condita lipsana**

**Vitam sepulchro, basiumque  
Prociduo reverenter ore  
Libabo, Sacras Angelicæ dapes  
Interque mensæ, commeritæ diu**

**Æternitati consecratum,  
Iosaphat ingeminabo nomen:  
Et qui feroces Bistonas impigro**

**Ferro fatigant, bellipotentibus  
Graves Musurmanis Sapienæ,  
Barbaricis onerata telis**

**Trophæa, Sacro Præsulei tholo  
Templi dicabunt, cum labaris leves  
Figent sarissas, aegidesque,  
Æmonia monumenta pugna.**



# APPROBATIO CENSORIS

Librum, qui inscribitur, ICO  
NES SYMBOLICÆ vitæ &  
mortis, B. IQSAPHAT Archi  
episcopi Polocensis Martyris,  
R. P. ANDREA MŁODZIANOWSKI  
Soc. IESV elucubratũ, legi. in quo  
nihil fidei Catholicæ Romanæ  
aut bonis moribus contrariũ ad  
verti, ideoq; dignũ qui imprimatur,  
censui. 9 Decembris. 1675.

ALBERTVS MEKALSKI Soc. IESV  
S. Th. & I. C. Doctor ex designatione  
Illumi & Rndissimi D. Loci Ordinarii  
Librorum Censor VILNÆ,


[illegible]

R.P. Auguste Adrien de la Roche  
St. Eusebe clubbed, light pu  
nihil idet Catholice Romanis  
que sunt nobis conuenientia  
tut. idet + signis qui impunit  
incomit. e Decembris 1672


Y20100400219 2010 04 16

2421

2







13, 209

